


資治通鑑綱目

正編
十八

內閣文庫			
番號	漢	1837	
冊數	107 (37)		
函號	別	6	1



資治通鑑綱目卷之十八

明 史官陳仁錫評閱

起乙丑晉惠帝永興二年 凡十四年
盡戊寅晉元帝太興元年

乙丑二年 漢元熙 夏四月張方復廢羊后

書法

羊氏於是三廢矣先是廢與復皆書

曷為畧之後有書漢立妃羊氏為后者此
其人也故畧之於終綱目書為臣所廢者

三、魏張氏晉賈氏羊氏

未有三黜如羊氏者矣

○秋七月東海王越自領徐州都督傳檄討張

方

東海中尉劉洽以張方劫遷車駕勸東海王越討之越傳檄山東糾率義旅迎天子還舊都徐州長史王修說刺史東平王楙以州授之越乃以司空領徐州都督楙自為交州刺史於是范陽王虓及王浚等共推越為盟主越輒選置刺史以下朝士多赴之

質實

東海國名注見秦二世二年鄉徐州注見秦始皇二十八年彭城東平國名注見漢獻帝興平元年范陽國名注見漢帝玄更始二年涿郡

成都故將公師藩寇掠趙魏

後趙石勒

勒為師權家奴

成都王穎既廢河北人多憐之其故將公師藩等自稱將軍起兵趙魏眾至數萬初上黨武鄉羯人石勒有膽力善騎射并州大飢東嬴公騰執諸胡於山東賣充軍實勒亦被掠賣為荏平人師權奴權奇其狀貌而免之勒乃與牧帥汲桑結壯士為羣盜及藩起桑與勒帥數百騎赴之桑始命勒以石為姓勒為名藩攻陷郡縣轉前攻鄴范陽王虓遣其將苟晞擊走之

集覽

公師復姓也羯人石勒漢書注羯本匈奴別部散居上黨武鄉

羯室因號焉按載記石勒字世龍初名閼軍實謂車徒器械芻糧之類荏平漢地志泰山

有在縣在通作在仕疑反今博州在平縣也按博州今東昌府是牧帥渭北馬牧之主帥

正誤 師權奴權家隣於馬牧勒與牧帥汲桑

為盜及公師藩起兵趙魏桑等赴之在平屬冀州在山東有牧苑何以為渭北之牧帥也

質實 上黨郡名注見周赧王五十三年武鄉縣名注見元帝太興四年一統志云在

王秦之縣名屬東郡漢因之東漢屬濟北國三國魏屬平原郡晉末始治聊城縣界與利

鎮後齊廢入聊城唐武德間復置貞觀初省金時劉豫復置元仍舊本朝因之改屬東

昌府苟晞山陽人

書法 凡書故將子義也此其書寇何成都將也寇藩所以寇穎也是故楚逆賊

也利幾以楚故將書反穎反寇也公師藩以穎故將書寇綱目之予奪嚴矣終綱目

書故將七詳漢高帝五年惟利幾公師藩非予辭

八月東海王越范陽王虓發兵西豫州刺史劉

喬拒之太宰顓遣張方助喬冬十月襲虓破之

東海王越留琅琊王睿以東平將軍監徐州軍事守下邳睿請王導為司馬委以軍事越帥甲卒三萬西屯蕭縣范陽王虓自許屯于滎陽越承制以豫州刺史劉喬為冀州使虓

領豫州。喬以虓非天子命，發兵拒之。虓以劉琨為司馬，越以劉蕃為淮北護軍，劉輿為潁川太守。喬上尚書，列輿兄弟罪惡，因引兵攻虓於許。遣其子祐拒越於靈壁。東平王楙在兖州，徵求不已，郡縣不堪命。虓遣荀晞還兖州，徙楙青州。楙不受命，與劉喬合。顯聞山東兵起，甚懼，表成都王穎都督河北諸軍事，復鎮鄴。詔越等各就國。越等不從，顯得喬上事，下詔稱劉輿脅虓造逆，其令鎮南將軍劉弘征東將軍劉準與喬并力，以張方為都督，共會許昌，誅輿兄弟。使穎與石超等據河橋，為喬繼援。弘遣喬及越書，使解怨釋兵。同獎王室，皆不聽。弘又上表曰：自頃兵戈紛亂，構於羣王，翩其反而互為戎首。載籍以來，骨肉之

劉弘自討
族昌以來
無念不乃
心王室

五胡強逼
識者寒心
久矣

禍未有如今者也。萬一四夷乘虛為變，此亦猛虎交鬪，自效于卞莊者也。謂宜速詔越等，令兩釋猜疑，各保分局。自今有擅興兵馬者，天下共伐之。時顯方拒關東，倚喬為助，不納。喬乘虛襲許，破之。琨輿及虓俱奔河北。弘以張方殘暴，知穎必敗，乃帥諸軍受越節度。

集覽 蕭漢地志沛郡有蕭縣，括地志云徐州蕭縣古蕭叔國。春秋為宋附庸。上尚書劉喬封上劉輿兄弟罪惡於尚書省。靈壁孟康曰：故靈壁小城在彭城南。括地志云：故城在徐州符離西北九十里。今宿州靈壁縣是。載籍竹簡也。以之記載，故曰載籍。猛虎交鬪，自效於卞莊。卞莊春秋魯卞邑大夫。莊子也。史記陳軫傳：秦惠王曰：今韓魏相攻，救之便。

勿救便陳軫對曰卞莊刺虎聞于王者乎莊
子欲刺虎館豎子止之曰兩虎方且食牛食
甘必鬪鬪則大者傷小者死從傷而刺之一
舉必得雙虎莊子然之有頃二虎果鬪大傷
小死莊子從傷者刺之果有雙虎之功今韓
魏相攻是必大國傷小國亡從傷而伐之一
舉必有兩實今劉弘謂羣

質實

見漢高帝六

年蕭縣注見漢帝玄更始二年許縣名注見
漢獻帝建安元年許昌榮陽縣名注見秦莊
襄王元年劉喬南陽人劉琨中山魏昌人一
統志云靈壁漢之縣名屬沛郡晉屬雕州隋
陞為虹州唐初改虹縣後廢為零壁鎮宋元
祐初改鎮為縣政和中改零壁曰靈壁屬宿

州元省入泗州後復置靈壁縣屬宿州本
朝因之改屬鳳陽府劉弘沛人許昌縣名注
見漢獻帝建安元年豫州
注見周赧王三十七年陳

天象

有星孛于北斗○十一月將軍周權矯詔立羊

后事覺伏誅

於是太宰顓矯詔敕留臺賜后死司隸校尉
劉暉上奏固執得免顓欲收暉暉奔青州

質實

注見漢桓帝永康元年

書法

羊后為臣所廢則立之正也書伏誅
何矯詔也綱目書矯多矣然皆事成

者也綱目僅得以矯書之示民有君而已
未有以見矯之當誅也於是周權矯詔而
敗然後綱目正名其罪書曰伏誅所以明
矯詔之罰為後世戒使知凡書矯者皆當
誅者也

發明 羊后廢不以罪則復之者正也然周
權事覺乃以伏誅書之何哉皇后天

下之母也權以偏狡乃欲矯
詔立之非其義矣不誅何待

十二月成都王穎據洛陽○范陽王虓自領冀
州刺史擊穎將石超斬之劉喬眾潰

劉琨說冀州刺史溫羨使讓位於范陽王虓
虓遣琨乞師於王浚遂引兵濟河擊斬石超
於滎陽東迎越又擊劉祐
於譙殺之喬眾潰而走
質實 溫羨太原祁
人恢之孫譙
縣名注見漢獻
帝建安十四年

東海王越進屯陽武王浚遣將祁弘將兵助之

質實 陽武縣名注見秦
始皇二十九年 ○陳敏據江東劉弘遣

江夏太守陶侃將兵討破之

初敏既克石冰自謂勇略無敵遂據歷陽以
叛吳王常侍甘卓棄官歸敏為子景娶卓女

陳敏收錄
江東名士
四十餘人
惟祀循不
失身于敏

交

真相知真
肝膽

使卓假稱皇太弟令拜敏揚州刺史又使錢
端等南畧江州弟斌東畧諸郡遂據江東以
顧榮為右將軍賀循為丹陽內史周玘為安
豐太守豪傑名士咸加收禮循佯狂得免玘
亦稱疾敏疑諸名士不為已用欲盡誅之榮
曰將軍神武不世若能信用君子散帶芥之
嫌塞讒諂之口則上方數州可傳檄而定不
然終不濟也敏乃止太宰頤以張光為順陽
太守帥步騎討敏劉弘遣江夏太守陶侃屯
夏口又遣南平太守應詹督水軍以繼之侃
與敏同郡又同歲舉吏或謂弘曰侃脫有異
志則荆州無東門矣弘曰侃之忠能吾得之
已久必無是也侃聞之遣子洪詣弘以自固
弘引為參軍資而遣之曰匹夫之交尚不負

劉弘無事
不忠亮

心况大丈夫乎敏遣陳恢寇武昌侃禦之以
運船為戰艦或以為不可侃曰用官船擊官
賊何為不可侃與恢戰屢破之又與皮初張
光共破錢端於長岐或說弘曰張光太宰腹
心公既與東海宜斬光以明向背弘曰宰輔
得失豈張光之罪危人自安君子弗為也乃
表光勲乞
集覽 帶芥之嫌賈誼賦細故帶芥
加遷擢何足以疑又司馬相如賦留
中曾不帶芥顏師古曰帶芥刺鯁也郭
璞云不帶芥言不覺有也帶丑介反
質實
歷陽縣名注見漢冲帝永嘉元年一統志云
顧榮吳郡人雍之孫賀循會稽山陰人周玘
陽羨人處之子順陽漢之縣名屬南陽郡晉
置順陽郡治此隋廢之故城在南陽府內鄉

縣順陽堡南平晉之郡名本漢孱陵縣地屬武陵郡建武間置作唐縣晉置郡治此陳又析置安鄉縣為義陽郡治隋改作唐曰孱陵與安鄉俱屬澧州唐以孱陵省入安鄉宋元仍舊本朝因之改屬岳州府應詹南頓人瑒之弟瑒之曾孫甘卓丹陽人安豐郡名注見漢光武建武七年

漢離石大飢

質實

一統志云離石戰國趙之邑名秦屬太原郡漢置離石縣

屬西河郡東漢郡徙治此晉改為西河國後趙改永石郡後魏廢為離石鎮北齊置昌化縣及懷政郡兼置西汾州後周改西汾為石州又改郡及縣曰離石隋初郡廢大業初州廢復置離

石郡唐復改石州天寶初為昌化郡乾元初復為石州本朝以離石縣省入改屬太原府

丙寅

光熙

元年

國

元熙三年 晏平元年

○春正月朔日食○

太宰顥殺張方成都王穎奔長安

東海王越之起兵也使人說太宰顥令奉帝還洛約與分陝為伯顥欲從之張方自以罪重恐為誅首謂顥曰今據形勝之地國富兵強奉天子以號令誰敢不從奈何拱手受制於人顥乃止及劉喬敗顥懼欲罷兵恐方不從乃誘方帳下督郵輔使殺方送首於越以請和越不許遣祁弘等帥鮮卑西迎車駕宋胄等進逼洛陽穎奔長安

集覽

分陝

諸王屠戮
言奸邪煽
惑自利所
以紛糾不
可解

為伯漢地志弘農有陝縣唐為陝州伯諸侯之長也分陝事注見太安元年依周召之法

質實 陝縣名注見周顯王四十五年

書法 方不書誅不予顯以討也方之罪顯為之

發明 然在顯則不得而誅之也彼其以桀

黜之資所以敢行稱亂殘虐屠戮廢儲后劫天子者誰實使之然哉及事窮勢窮乃誘其帳下使殺之是豈得為天討耶夫亂臣賊子法所當誅若已使之已殺之則亦君子之所不予况顯實非能殺張方以正其罪止欲借方首以求成於越耳故特書

顯殺以表之所以見方固當誅而非顯之所得誅也若槩以書殺論之則失其旨矣

三月五苓夷寇寧州刺史李毅卒

寧州頻歲飢疫五苓夷強盛遂圍州城李毅病卒女秀明達有父風眾推領州事秀獎勵戰士嬰城固守城中糧盡炙鼠拔草而食之伺夷稍怠輒出兵掩擊破之

質實 寧州

注見漢武帝元狩元年李毅鄴人

夏四月東海王越進屯溫遣祁弘入長安奉帝

東還

李秀以一女子守城擊賊其忠勇丈夫不如

晉十亂

可為征調
夷兵者之
鑒

巴氏稱皇
帝

尚城居士
僭號者
所推崇

越用虛玄
之士

太宰顓遣兵拒郝弘等於湖，弘擊破之，遂西入關，又敗其兵於霸水。顓單馬逃入太白山，弘等入長安，所部鮮卑大掠，殺三萬餘人，百官犇散，入山中，拾椽實食之。弘等奉帝乘牛車東還，關中皆服於東。

集覽

湖注見漢武帝征和二年太白

山唐志鳳翔府郿縣有太白山，去洋州真符縣四百五十里，山南隸鳳翔，山北隸真符。南去長安三百里，椽實椽實也。莊子狙公賦芋成玄英疏云：芋，椽子也，似栗而小。

質

實一統志云：太白山在鳳翔府郿縣東南，四十二里。霸水注見秦王政二十二年。

六月至洛陽，復羊后。○成都王雄稱成皇帝。

雄卽帝位，國號大成，追尊父特曰景皇帝。初，范長生詣成都，雄門迎，執板拜為丞相，尊之曰范賢。至是以為天地太師，時諸將恃恩互爭班位，尚書令閻式請考漢晉故事，立百官制度。從之。

集覽

執板按漢書注板詔書也。

秋七月朔日食。○八月以東海王越為太傅錄

尚書事，范陽王虓為司空，鎮鄴。

越以庾敞為軍諮祭酒，胡毋輔之為從事中郎，郭象為主簿，阮脩為行參軍，謝鯤為掾。敞等皆尚虛玄，不以世務嬰心，縱酒放誕，毀殖貨無厭，象薄行好招權，越皆以其名重辟之。

集覽

庚訖姓名

質實

庚訖潁川人胡母輔之
訖五來反
泰山人郭象河南人阮

脩陳留尉氏人
謝鯤陽夏人

賢

荆州都督新城公劉弘卒

劉弘以讓
功全

時天下大亂弘專督江漢威行南服事成則曰某人之功如敗則曰老子之罪每有與發手書守相下寧欵密人皆感悅爭赴之咸曰得劉公一紙書賢於十部從事辛冉說弘以從橫之事弘怒斬之至是卒謚曰元

集覽 得劉公一紙書賢於十部從事賢猶言勝也部從事都督屬官秩百石先是每有與發必敕部從事分行所屬催督唯劉弘則以手

劉弘純忠

書徵之無擾而易集故云賢也王
導常敕八部從事行揚州郡國

質實

新城
郡名

注見漢獻帝建安
二十四年房陵

九月頓丘太守馮嵩執成都王穎送鄴兖州刺

史苟晞擊斬公師藩冬十月范陽王虓卒長史

劉輿誅穎

祁弘之入關也成都王穎自武關犇新野會
劉弘卒司馬郭勵作亂欲奉穎為主不克而
誅遂北濟河收故將士欲赴公師藩頓丘太
守馮嵩執送鄴范陽王虓幽之而苟晞亦擊

小人易進
難退大抵
皆然

斬藩十月虓卒長史劉輿以穎素為鄴人所
附偽稱詔賜死穎官屬皆先逃散惟盧志不
去至是收而殯之太傅越召為軍諮祭酒越
又將召輿或曰輿猶臆也近則汚人及至越
疎之輿密視天下兵簿及倉庫牛馬器械水
陸之形皆默識之每會議應機辨畫越傾膝
酬接即以為左長史質實武關注見周赧王
軍國之務悉以委之四年頓丘郡名注
見漢武帝
元光三年

書法

於是劉輿矯詔不書書誅
重罪類也反賊人得誅之

十一月帝中毒崩太弟熾即位尊皇后曰惠皇

后立妃梁氏為皇后

晉惠一世
昏愚至死
亦不知其
所以真千
古惜人

帝食麩中毒而崩或曰太傅越之鴆也羊后
自以於太弟熾為嫂恐不得為太后將立清
河王覃侍中華混露板馳告太傅越召太弟
入宮即帝位尊后曰惠皇后居弘訓宮懷帝
始遵舊制於東堂聽政每至宴會輒與羣臣
論眾務考經籍黃門侍郎傅宣歎曰今日復
見武帝集覽露板注見齊武
帝永明六年

發明

嗚呼人莫知其子之惡莫知其苗之
頌故必有堯舜之聰明乃能知朱均
之不肖舉天下而授之舜禹此二帝所以
為萬世之聖人也晉惠庸愚人皆知之晉

武溺於所愛不能於子弟中擇賢而立遂使禍亂交作四海分崩綱目於惠帝之事初無貶詞然今年書弒太后明年書殺太子又明年書遷帝于金墉書廢皇后太子至於又奉帝討張方也越奉帝征穎也張方遷帝長安也祁弘奉帝東還也莫不悉書于冊於此見晉惠之為君動輒制于他人之手如嬰兒玩弄於股掌之上欲東而東欲西而西莫適為主特一木偶人而已是以始焉不保母后次焉不保妻子終焉不保其身是皆愚庸之故也夫以漢質帝之幼也食餅中毒尚能急召大臣了了言之故綱目得以正梁冀之誅今晉惠歷年許久乃莫能一言故雖或者以為越之所

鳩然綱目不明其故直以中毒書之蓋欲使後人知其庸繆雖其身之大禍且莫能知所以戒有國者置嗣不可不謹賢愚不可不察此聖人公天下之道也

十二月朔日食

書法

於是一歲三食世道何如哉綱目書一歲再食二十有五詳漢初丁酉年

一歲三食千三百六
十一年一書而已矣

○南陽王模誅河間王顥

太傅越以詔徵顥為司徒顥就徵模自許昌遣將邀殺之

質實

許昌縣名注見漢獻

帝建安元年

書法 於是詔徵顯模要殺之不書書誅重罪顯也

發明 顯頴煽禍天下傾覆故雖假手於人皆正其誅

葬太陽陵 **質實** 一統志云太陽陵在河南府洛陽縣境內 ○以劉琨

為并州刺史

劉輿說太傅越遣琨鎮并州以為北面之重而徙東燕王騰鎮鄴越從之琨至上黨騰即自井陘東下時并州飢饉數為胡寇所掠吏民萬餘人悉隨騰就穀冀州號為乞活所餘

安民

戶不滿二萬寇賊縱橫道路斷塞琨募兵上黨得五百人轉鬪而前至晉陽府寺焚毀邑野蕭條琨撫循勞徠流民稍集 **質實** 并州注見愍帝建興四政十八年冀州注見秦二世二年信都國上黨郡名注見周赧王五十三年晉陽郡名注見周威烈王二十三年

丁卯 **孝懷皇帝永嘉元年** **漢** 元熙四年 春二月羣盜王

彌寇青徐

初琨令劉柏根反王浚討斬之其長史王彌遂為羣盜至是寇青徐殺東萊太守 **集**

〔覽〕縣名音堅又音弦字或從心刊誤也漢地志東萊有掖縣古掖侯國

〔集覽〕

一統志云〔掖〕古掖侯國之邑名春秋戰國俱屬齊秦屬齊郡漢置掖縣屬東郡晉宋仍舊北齊省之故城在登州府黃縣南一百二十五里

三月陳敏將顧榮周玘殺敏以降

陳敏刑政無章子弟凶暴顧榮周玘等憂之廬江內史華譚遺榮等書曰陳敏盜據吳會命危朝露今皇輿東返俊彥盈朝將舉六師以清建業諸賢何顏復見中州之士邪榮等素有圖敏之心及見書甚慚密遣使報征東將軍劉準使發兵臨江已為內應剪髮為信

而云玘稱疾不之郡今云敏將顧榮周玘又似共事者何也

可畏

榮得衆心不媿江東名士

準遣揚州刺史劉機等討敏敏使其弟昶將兵屯烏江宏屯牛渚玘密使敏司馬錢廣殺昶因勒兵朱雀橋東敏遣甘卓討廣榮慮敏疑之故往就敏敏曰卿當四出鎮衛豈得就我邪榮乃出與玘共說卓曰敏既常才政令反覆其敗必矣而吾等安然受其官祿事敗之日使江西諸軍函首送洛題曰逆賊顧榮甘卓之首此萬世之辱也卓遂詐稱疾迎女斷橋收船南岸與玘榮及紀瞻共攻敏敏自帥萬餘人討卓軍人隔水語敏衆曰本所以戮力陳公者正以顧丹陽周安豐耳今皆異矣汝等何為敏衆狐疑未決榮以白羽扇麾之衆皆潰去敏單騎走追斬之夷三族傳首京師詔徵顧榮為侍中瞻為尚書郎太傅越

辟玘為參軍，榮等至徐州，聞北方愈亂，逃歸。**集覽**烏江注見漢高帝五年，朱雀橋

金陵覽古曰：晉孝武建朱雀門，上有兩銅雀，故橋亦以此得名。去烏衣巷不遠。**質實**

廬江郡名，注見漢景帝五年。一統志云：吳會郡名，世稱吳門為吳會，謂其地本吳會稽二

郡也。又注見漢獻帝建安十二年。牛渚注見武帝太康元年。朱雀橋在應天府南烏衣巷

口。錢廣義興人。紀瞻丹陽秣陵人。

書法敏嘗書討矣，於是斬之，則其不書誅何？顧周不得而誅之也。顧周則曷為

不得而誅之？顧周失身從敏，今而殺之，僅足以自贖耳，固不可予之以討也。書曰：陳

敏將顧榮周玘，其為失身者之戒，凜凜矣。然則東越亦從反者，既而誅凜，則何以書

誅越夷也？綱目不治夷狄而責備賢者，不治夷狄，故書越人誅凜，以開自新之塗，責

備賢者，故書敏將殺敏，以示失身之戒。

西陽夷寇江夏

西陽夷寇江夏，太守楊珉請督將議之。諸將爭言方略，騎督朱伺獨不言。珉曰：將軍何以

不言？伺曰：諸人以舌擊賊，伺惟以力耳。珉又問將軍前後擊賊，何以常勝？伺曰：兩敵共對

惟當忍之，彼不能忍我。能忍是以勝耳。珉善之。**集覽**西陽今黃州是秦置南郡漢屬

名將以不能忍取敗者多矣伺言可銘

江夏晉為西陽國宋為西陽郡
質實 一統志云西陽

齊分西陽為齊安郡隋改黃州
古地名春秋時屬黃國後屬楚楚徙邾君於

此又名邾城秦屬南郡漢為西陵縣及邾縣
地屬江夏郡三國時魏為重鎮後屬吳晉屬

弋陽郡又析置西陽國東晉以邾城為豫州
治所宋為西陽郡南齊分置齊安郡北齊兼

置衡州陳罷州後周復置隋改為黃州大業
初改永安郡唐初復置黃州天寶初改永安

郡乾元初復為黃州並治黃岡縣中和初徙
治邾城宋遷州治江濱今府治是也元為黃

州路隸河南行省 本朝改為黃州府屬湖
廣道

立清河王覃弟詮為皇太子○太傅越出鎮許

昌

帝親覽大政留心庶
事越不悅固求出藩

書法

於是越固求出鎮帝從之不書詔越

無君甚矣書罪之也是故太傅越專則書

太傅越出鎮許昌徐溫專則書徐溫出鎮

潤州綱目之筆削嚴矣哉終綱目書出鎮
四 是年武帝太元十年安帝義熙元年後

梁乙亥年惟劉裕

上書以無譏焉

觀後東海
執繆播王
延于帝側
帝惟嘆息
流涕則親
覽大政亦
非實錄

以南陽王模都督秦雍等州軍事

考異

提要無等州二字

字

○夏五月羣盜汲桑石勒入鄴殺都督新蔡

王騰復攻交州太傅越遣荀晞討之

新蔡以吝
奮取敗

公師藩既死汲桑逃還苑中更聚眾聲言為成都王報仇以石勒為前驅所嚮輒克遂進攻鄴時鄴中空竭而新蔡王騰資用甚饒性吝嗇無所振惠臨急乃賜將士米各數升帛各丈尺以是人不為用桑遂入鄴殺騰燒宮大掠而去南擊交州太傅越使荀晞等討之勒晞等相持數月大小三十餘戰互有勝負

質實

新蔡國名注見漢宣帝甘露三

年

書法

書入書殺易辭也無備甚矣然則何以書都督咎騰也書都督則曷為咎之若曰身為都督盜得入而殺焉有愧斯名多矣

秋七月以瑯琊王睿為安東將軍都督揚州諸

軍事鎮建業

睿至建業以王導為謀主推心親信每事咨焉睿名論素輕吳人不附居久之士大夫莫有至者會睿出觀禊導使睿乘肩輿具威儀導與諸名勝皆騎從紀瞻顧榮等見之驚異

陳敏召則
應瑯琊召
則應名士
風流固若
是耶

東晉初政

通鑑綱目

卷一百一十八

相帥拜于道左，導因說睿曰：顧榮賀循，此士之望，宜引之以結人心。二子既至，則無不來矣。睿乃使導躬造之，循榮皆應命，以循為吳國內史，榮為軍司，加散騎常侍。凡軍府政事，皆與之謀。又以紀瞻為軍祭酒，卞壺為從事中郎，周玘、劉超、張闔、孔衍皆為掾屬。導說睿謙以接士，儉以足用，以清靜為政，撫綏新舊，故江東歸心焉。睿初至，頗以酒廢事，導以為言，睿命酌引觴。覆之於此，遂絕。與開

質實

卞壺濟陰人，粹之子。劉超，瑯琊人。孔子二十二世孫。

集覽

名論名譽議論也。漢高皇后八年被闔

苟晞擊汲桑，石勒大破之，桑走死，勒降漢。

守法不私
所以能破
強寇

苟晞追擊汲桑，破其八壘，死者萬餘人。桑犇馬牧，為人所殺。石勒犇樂平，太傅越加晞都督青兗諸軍事。晞屢破疆寇，威名甚盛，善治繁劇，用法嚴峻。其從母依之，奉養甚厚。其子求為將，晞不許，曰：吾不以王法貸人。將無後悔邪？固求之，乃以為督護。後犯法，晞杖節斬之。從母叩頭救之，不聽。既而素服哭之，曰：殺卿者，兗州刺史、兄弟者，苟道將也。胡部大張習督等擁眾壁于上黨，石勒往從之。因說背督等與俱歸漢。漢王淵以勒為護漢將軍。平

集覽

馬牧，地名在渭北。樂平，今太原平定州。樂平縣是。括地志云：樂平縣城，漢

治縣城也。道將，苟晞表字。胡部，大張習督，胡部胡虜之部落也。姓大張，名習督，習音佩。

通鑑綱目

卷一百一十八

晉懷皇帝永嘉元年

七

正編

正誤

馬牧今按說見前胡部大張習督今按大猶長上聲也胡人一部之長呼為部

大姓張氏後第二

質實

一統志云樂平漢之縣名屬東郡東漢省

十卷有南羅大

之故城在東昌府棠邑縣東南三十里後趙

汲桑石勒與晉苟晞戰於平原陽平間為晞

所敗桑奔馬牧

勒奔樂平即此

冬十一月朔日食○以王衍為司徒

衍說太傅越曰朝廷危亂當賴方伯宜得文武兼資以任之乃以弟澄為荊州都督族弟敦為青州刺史語之曰荊州有江漢之固青州有負海之險卿二人在外而吾居中足以

引用逆賊王敦以固

三窟衍罪不容誅矣

為三窟矣澄至鎮日夜縱酒不親庶務雖寇戎交急不以為懷

集覽

方伯注見漢哀

帝建平

四年

太傅越自領兖州牧徙苟晞為青州刺史

初越與晞親善引升堂結為兄弟司馬潘滔說越曰兖州衝要魏武以之創業晞有大志非純臣也若遷之青州公自牧兖州經緯諸夏藩衛本朝此所謂為之於未亂者也越以為然自領兖州牧以晞為征東大將軍青州刺史越晞由是有隙晞至青州以嚴刻立威日行斬戮州人謂之屠伯

質實

張九韶曰晉時兖州治濮陽注見周安王五年青州

劉淵之勢
寢盛

治臨淄注見漢
桓帝永康元年

王彌及其黨劉靈降漢

靈少貧賤力制犇牛走及犇馬時人雖異之
莫能舉也靈撫膺歎曰天乎何當亂也及公
師藩起靈自稱將軍寇
掠趙魏與王彌俱降漢

慕容廆自稱鮮卑大單于○拓跋祿官卒考異

按崩葬例曰凡蠻夷
君長曰死此誤作卒

弟猗盧總攝三部
與慕容廆通好

書法 始去索頭書卒進之也曷為進
之弟猗盧將以助晉封故進之

戊辰二年漢永鳳元年春正月朔日食○漢劉聰據太

行石勒下趙魏王浚擊勒破之質實太行山名
注見周安

王十六年趙郡名注見漢景帝三年○二月太
趙國魏郡名注見漢成帝綏和二年

傳越殺清河王覃

書法 清河王覃故太子也不書故太子何
太子之立之廢非惠帝意也故從其

恒 稱

賢

通鑑綱目 卷十八
○夏五月漢王彌寇洛陽張軌遣督護北宮純入衛擊破走之

涼張軌守節于晉室厥後京師飢匱軌又

王彌收集亡散兵復大振分遣諸將攻陷郡縣遂入許昌張軌遣督護北宮純將兵衛京師彌入自轅轅敗官軍於伊北遂至洛陽王衍督軍出戰北宮純募勇士百餘人突陳彌兵大敗燒建春門而東衍遣左衛將軍王秉追之戰于七里澗又敗之彌走平陽漢王淵遣侍中郊迎令曰孤親行將軍之館拂席洗爵敬待將軍及至拜司隸較尉詔封張軌西平郡公軌辭不受時州郡之使莫有至者軌獨貢獻不絕

集覽

北宮複姓也親行行

馱馬五百匹耗布三萬匹

下孟反臨幸也

質實

張軌烏氏人轅轅關名注見秦二世三年伊北即伊水之北注

見漢高后三年一統志云七里澗在河南府陝州西南七里今名石橋溝北流入河漢獻帝東遷李傕郭汜等追乘輿戰于東澗天子幸曹陽墟即此地西平郡名注見漢宣帝元康四年

書法

書入衛何子義也於是王衍督師純募勇士突陳王彌大敗衍復遣王秉

追敗之不書書純子義也書入衛始此終綱目書入衛三北宮純何倫謝尚惟北宮純以功書書兵入援十二詳愍帝建興四年赴難三詳成帝咸和四年書詣其所三

詳永嘉四年

秋七月漢徙都蒲子

質實

一統志云蒲子古地名春秋時屬晉戰國

時屬魏為西河地秦屬河東郡漢為河東郡蒲子縣晉時劉淵據此後魏改長壽縣後周於此置汾州及龍泉郡隋初廢郡改西汾州尋改隰州及改縣曰隰川大業初復為龍泉郡唐初復為隰州後改太寧郡乾元初復為隰州宋金元仍舊本朝以隰川縣省入改屬平陽府

匈奴稱帝

冬十月漢王淵稱皇帝○十二月漢石勒劉靈

寇魏汲頓丘

勒靈帥眾三萬寇三郡百姓望風降附者五十餘壘皆假壘主將軍都尉印綬簡其疆壯五萬為軍士老弱安堵如故

集覽

魏汲魏注見漢成帝綏和二年汲注見秦莊襄

賢

成尚書令楊褒卒

褒好直言成主雄初得蜀用度不足諸將有以獻金銀得官者褒諫曰陛下設官爵當網羅天下英豪何有以官買金耶雄謝之

不使巴氏之主賣官鬻爵褒之賢可錄也

書法

僭國臣爾其卒之何錄賢也苟賢矣雖僭國必錄之終綱目卒僭國臣二

十有二晉世居九成楊褒范長生漢劉殷
後趙張賓秦苻雄王猛燕李續慕容恪涼
宋混五代居十三焉唐張承業蜀王宗儔
吳陳彥謙徐溫漢楊洞潛趙光裔閩劉贊
漢劉承訓唐李建勳周馮
道鄭仁誨王朴唐柴克宏

天象

巳巳三年漢河瑞春正月朔熒惑犯紫微集覽熒惑

索隱曰按姚氏引廣雅云熒惑執法之星春秋
緯文耀鉤云赤帝熒怒之神為熒惑位在南方
禮失則罰出正義曰天官占云熒惑其行無常
以其舍命國為殘賊為疾為喪為饑為兵環繞
勾巳芒角動搖乍前乍後其殃逾甚大鴻臚之
象主甲兵大司馬之義伺驕奢亂孽執法官也

其精為風伯惑童兒歌謠嬉戲也紫微天官書
中宮天極星其一明者太乙常居也云云皆曰
紫宮索隱曰春秋合誠圖云北辰其星五在紫
微中紫微大帝室太乙之精也元命包云紫之
言此也宮之言中也言天神
運動陰陽開閉皆在此中

書法 非日食不書晦朔此其書朔何記大
異也熒惑犯紫微異矣而見於三朝

甚大異也故詳之間一歲而帝遷變不虛
生信哉終綱目星變書正月朔者一而已

發明 去年日食正旦今茲熒惑又犯紫微
是時國柄在越而天變如此書之以

見天心仁愛雖亂世亦未嘗無告戒
之意耳越等尚可樂禍而不知懼乎

劉淵凌強
疑逼矣

○漢徙都平陽

漢太史令宣于修之以星變言於其主淵曰
不出三年必克洛陽蒲子崎嶇難以久安平
陽氣象方昌請質實平陽郡名注見周
徙都之淵從之威烈王二十三年

三月以山簡都督荆湘等州軍事

飲酒清談
故山氏家
風

簡濤之子也嗜酒不恤政事初荆州寇盜不
禁詔起劉弘子璠為順陽內史江漢間翕然
歸之簡表璠得衆心恐百姓劫以為主詔徵
璠為越騎校尉南州由是遂亂父老莫不追
思劉質實山簡河內人劉璠沛人順陽
縣名注見惠帝永興二年

太傅越入京師殺中書令繆播帝舅王延等十
餘人

曾雖有遠
見然三世
後泰恣慾
安能免禍

越入京師中書監王敦謂所親曰太傅專執
威權而選用表請尚書猶以舊制裁之今來
必有所誅帝之為太弟也與繆播善及即位
委以心膂帝舅散騎常侍王延尚書何綏太
史令高堂冲並參機密劉輿潘滔勸越誅之
越乃誣播等欲為亂遣甲士三千入宮執播
等十餘人於帝側付廷尉殺之帝歎息流涕
而已綏曾之孫也○初何曾侍武帝宴退謂
諸子曰主上開創大業吾每宴見未嘗聞經
國遠圖惟說平生常事非貽厥孫謀之道也

及身而已。後嗣其殆乎。汝輩猶可以免。指諸孫曰。此屬必死於難。及綏死。兄嵩哭之曰。我祖其殆聖乎。曾日食萬錢。猶云無下箸處。子劭日食二萬。綏及弟機羨汰侈尤甚。與人書疏詞禮簡傲。王尼見綏書。謂人曰。伯蔚居亂世而矜豪。乃爾其能免乎。人曰。伯蔚聞卿言必相危害。尼曰。伯蔚比聞我言。自己死矣。及永嘉之末。何氏無遺種。司馬公曰。何曾譏武帝偷惰。取過目前。不為遠慮。知天下將亂。子孫必與其憂。何其明也。然身為僭侈。使子孫承流。卒以驕奢亡族。其明安在哉。且身為宰相。知其君之過。不以告。而私語於家。非忠臣也。

集覽 高堂復姓。王尼。史炤曰。尼音夷。

質實 何綏。陽夏人。王尼。城陽人。伯蔚。

何綏
表字

書法 入惡辭也。殺專辭也。播以官書。延以親書。越之無君甚矣。

發明 是時海內大亂。胡羯滔天。上下相與協力扶持。猶懼弗濟。而越之所為。乃爾。何哉。故書入則見越之無君。書殺則見播等之無罪。書中書令。書帝舅。則見大臣貴戚之不克自保。然則越之罪為如何。耶。剖棺焚尸。猶為幸也。

太尉劉寔罷就第

寔連年請老。朝廷不許。劉坦言古之養老。以不事為優。不以吏之為重。宜聽寔所守。詔寔

以侯就策 **質實** 劉寔平 原人

以王衍為太尉 ○太傅越使將軍何倫領國兵

入宿衛

執繆播等 于帝側者 秉也

越以頃來興事多由殿省乃奏宿衛有侯爵者皆罷之更使將軍何倫王秉領東海國兵

數百人 **質實** 東海國注見秦 宿衛 二世二年郊

書法 北書純書入衛矣不書所領此其書 領國兵何誅心也於是帝所無非越

黨者矣危哉終綱日書入衛三漢高后二 年武帝建元六年是年惟何倫非予辭

漢寇黎陽陷之

漢主淵遣劉景將兵攻黎陽克之又敗王堪 於延津沈男女三萬餘人於河淵聞之怒曰 景何面復見朕且天道豈能容之吾 **質實** 黎陽 所欲除者司馬氏耳細民何罪黜之 縣名注見漢獻帝建安四年 延津注見漢獻帝建安五年

夏大旱

江漢河 洛可涉

漢石勒寇鉅鹿常山

後趙張賓

通鑑綱目 卷十八

勒衆至十餘萬，集衣冠人物，別爲君子營。以張賓爲謀主，刁廩爲股肱，夔安、孔萇、支雄、桃豹、遂明爲爪牙。并州諸胡，羯多從之。初，張賓好讀書，闊達有大志，常自比張子房。及勒，狗山東，賓謂所親曰：「吾歷觀諸將，無如此胡將軍者，可與共成大業。」乃提劍詣軍門，大呼請見。勒亦未之奇也。賓數以策干勒，已而皆如所言，由是奇之。

集覽

逯力谷反，姓也。

質實

鉅鹿郡名，注見漢光武建武九年。張賓，中丘人。

人

漢寇壺關陷之

施融知兵

漢王淵使王彌與楚王聰共攻壺關，以石勒爲前鋒都督。劉琨遣兵救之，不克。越遣河南內史王曠將軍施融拒之。曠濟河，欲長驅而前。融曰：「彼乘險間出，且當阻水爲固，以量形勢。」曠怒曰：「君欲沮衆邪？」遂踰太行，與聰戰於長平，大敗，皆死。壺關降漢。

質實

壺關

秋八月漢寇洛陽，弘農太守垣延襲敗之。

聰等攻洛陽，將軍曹武等拒之，皆爲所敗。長驅至宜陽，自恃驟勝，怠不設備。垣延詐降，夜

通鑑綱目

卷十八 晉懷皇帝永嘉三年

天

正編

襲敗之

質實

弘農郡名注見周赧王四十五年
邠宜陽縣名注見周安王十一年

冬十月漢復寇洛陽北宮純擊敗之

漢王淵復遣劉聰等寇洛陽屯西明門北宮
純等夜帥勇士出攻漢壁斬其將軍呼延顯
聰南屯洛水而大司空呼延翼又為其下所
殺眾遂潰歸宣于修之言於淵曰歲在辛未
乃得洛陽今晉氣猶盛大軍不歸必敗淵乃
召聰等還聰曜歸平陽彌南出轅轅流民之
在潁川襄城汝南南陽河南者數萬
家素為居民所苦皆殺長吏以應彌
注見漢光武建武三年轅轅關名注見秦二
世三年潁川郡名注見漢靈帝中平元年襄

質實

洛水

城郡名注見周赧王十五年汝南郡名注見
漢光武建武十九年南陽郡名注見秦二世

三年河南郡名注
見秦莊襄王元年

庚午四年

質實 烈宗劉聰
光興元年

春正月漢寇徐豫兗冀諸

郡○瑯琊王睿以周玘為吳興太守

考異

提要 吳作

義

斬石水殺
陳敏併此
為三定江
南

錢璿寇陽羨玘糾合鄉里討斬之玘三定江
南瑯琊王睿以為吳興太守於其鄉里置義
興郡以

集覽

璿黃

質實

陽羨縣名注見漢後
王建興六年吳興郡

名注見宋明帝泰始二年義興郡注見孝武帝太元十七年

漢曹嶷寇東平瑯琊質實東平郡名注見漢獻帝興平元年瑯琊郡

名注見漢光武建武五年夏四月王浚擊漢劉靈殺之

書法劉靈書寇矣不書討殺何不予浚以討也浚則曷為不予以討浚名為晉

臣擁兵觀望不救國難雖嘗與兵討潁初皆迫不得已既復大掠而還非心乎帝室者矣故綱目以自相攻擊書之外之甚矣

○蝗○秋七月漢寇河內陷之質實河內郡名注見漢桓

帝延熹九年漢主淵卒太子和立其弟聰弒而代之

漢主淵寢疾以陳留王歡樂為太宰楚王聰為大司馬大單于並錄尚書事安昌王盛安

學

邑王欽西陽王璿分典禁兵初盛少時不好讀書唯誦孝經論語曰誦此能行足矣安用多誦而不行乎李熹見之歎曰望之如可易及至肅如嚴君可謂君子矣淵以其忠篤故

臨終委以要任淵卒太子和即位和性猜忌無恩宗正呼延攸侍中劉乘西昌王銳說和曰先帝不惟輕重之勢使大司馬擁十萬衆屯於近郊陛下便為寄坐耳宜早為之計和

世人每歎不如友生宜三復斯言正本前云羣臣請聰即帝位後云遂即位分註重叙誤也

信之夜召盛欽告之盛曰陛下勿信讒以疑兄弟兄弟尚不可信他人誰足信哉攸銳怒命左右刃之遂攻聰于單于臺不克銳等走入南宮聰前鋒隨之殺和及銳攸乘聰遂即位以北海王義單后之子也以位讓之義涕泣固請聰遂即位以義為皇太弟領大單于子粲為河內王都督中外諸軍事石勒為并州刺史

集覽

單后單姓音上演反

質

實

安昌縣名注見漢獻帝建安三年安衆安邑郡名注見周威烈王二十三年西陽郡

名注見永嘉元年一統志云西昌東漢之縣名屬豫章郡晉因之後廢之民居故城在吉安府泰和縣西三十里

書法

書卒書弒如內辭綱目之進漢有不

秦氏符洪

氏酋蒲洪自稱略陽公

洪略陽臨渭氏酋也驍勇多權略羣氏畏服之漢拜洪平遠將軍不受自稱秦州刺史略陽公**集覽**蒲洪晉載記曰其家池中蒲生長五丈五節如竹形時咸謂之蒲家因為氏焉又隴右大雨謠曰雨若不止洪水必起因名曰洪後於晉穆帝永和間以讖文有草付應主又以孫堅背有草付字遂改姓符畧陽漢略陽郡後改縣屬武興郡武興今沔州

晉懷皇帝永嘉四年 正編

是有略陽縣臨渭正義曰縣屬略陽氏酋風俗通云氏本西南夷種魚豢魏略云漢置武都郡排其種人分窟山谷或號青氏或號白氏也酋帥也音慈秋反不音囚

質實

一統志云畧陽漢之郡名治沮縣晉宋因之元魏僑立畧陽縣隸武都郡尋廢之西魏別置興州改畧陽縣為順政縣隸焉隋廢州為順政郡唐復置興州宋改為沔州元移州治于鐸水仍以略陽為屬縣本朝因之改屬漢中府臨渭漢之縣名屬畧陽郡晉末廢之故城在漢中府城西北二百一十里

流民王如寇南陽以附漢

不思賑卹
為循而以
兵威激變
流民寇害
往往成于
此

雍州流民多在南陽詔書遣還鄉里流民以關中荒殘皆不願歸山簡遣兵促發京兆王如潛結壯士夜襲其軍破之攻城鎮殺令長眾至四五萬自號大將軍稱藩于漢

冬十月漢寇洛陽○以拓跋猗盧為大單于封

代公

流民鮮甲
無不附漢
者漢勢益
強矣

初匈奴劉猛死劉虎代領其眾居新興號鐵弗氏與白部鮮卑皆附于漢劉琨將討之遣使甲辭厚禮說拓跋猗盧以請兵猗盧使其弟弗之子鬱律帥騎二萬助之遂破劉虎白部琨現與猗盧結為兄弟表為大單于以代郡封之為代公時代郡屬幽州王浚不許遣兵

徙五縣之民以地處倚盧開門延盜是何策耶

擊倚盧，倚盧拒破之，浚由是與琨有隙。倚盧以封邑去國懸遠，民不相接，乃帥部落萬餘家，自雲中入鴈門，從琨求陜北之地。琨不能制，且欲倚之為援，乃徙樓煩、馬邑、陰館、繁峙、崞五縣民於陜南，以其地與之。由是倚盧益盛，琨遣使言於太傅越，請出兵共討。劉聰、石勒、越、思、苟、晞為後患，不許。琨乃謝倚盧之兵，遣歸國。**集覽**：鐵弗，劉虎漢時匈奴南單于苗裔，居于新興、虎意之北。胡人謂父為鮮卑，母為鐵弗，因以鐵弗為姓。其後劉衛辰少子勃勃當後秦姚興時，鎮朔方，襲殺沒奕干而并其眾，僭稱大夏天王，耻姓鐵弗，自謂帝王者系與天為子，是為徽赫。實與天連，今改姓曰赫連氏，其非正統，皆以鐵伐為氏。庶族

既云陜南陜北則正義說為長

宗族剛銳如鐵，皆堪伐人也。勃勃字屈子，小字曰屈丐，丐彌殄反。陜，趙世家武靈王攻中山，令趙希并將胡代、趙與之陜。徐廣曰：陜者，山絕之名。常山有井陘，中山有苦陘。正義曰：陜音刑陘，陘山也。在并州陘縣東南十八里。樓煩，注見周赧王八年。繁峙，漢鴈門郡縣，今太原路堅州古繁峙縣也。峙音止。崞，漢鴈門郡縣，在今太原路崞州。是有崞山，州東樓煩故城在焉。**質實**：新興郡名，注見孝武帝太元九年。代郡，注見楚義帝元年。雲中郡名，注見秦王政三年。鴈門郡名，注同。上年馬邑縣名，注見漢高帝六年。陰館縣名，注見安帝隆安二年。一統志云：陜，漢之縣名，屬中山郡，以陜山得名。章帝改為漢昌縣。晉

晉懷皇帝永嘉四年 正編

末廢之故城在真定府無極縣東北二十八里繁峙漢之縣名屬鴈門郡後魏置繁峙郡後周郡縣並廢東魏僑置武州于此北齊改為北靈州尋廢隋移縣於武州城屬鴈門郡唐又移今治宋屬代州金改為堅州本朝初復為繁峙縣改屬太原府鴈門郡漢末廢晉復置後魏改為石城縣東魏置廓州於此北齊改為北顯州後周州廢隋改為平寇縣大業初改為崞縣唐屬代州五代梁析置白鹿縣宋省入崞縣元陞為崞州本朝改州為縣仍屬太原府

遣使徵天下兵入援

甲詞乞憐

京師饑困日甚太傅越遣使以羽檄徵天下兵使入援京師帝謂使者曰為我語諸征鎮今日尚可救後則無及矣既而卒無至者山簡遣都護將兵入援為王如所敗如遂大掠沔漢進逼襄陽朝議多欲遷都以避難王衍以為不可賣車牛以安眾心注見楚義

漢石勒擊并王如兵遂寇襄陽十一月太傅越

率兵討之次于項

越以胡寇益盛內不自安乃戎服入見請討石勒帝曰今胡虜侵逼郊畿公豈可遠去以

越特欲歛兵自固非討賊也越

行而官府
空虛國以
此亡身以
此殞典午
移人國祚
于掌股之
間今竟何
如

孤根本對曰臣出幸而破賊則國威可振猶
愈於坐待困窮也乃帥甲士四萬向許昌留
何倫防察宮省以行臺自隨用王衍為軍司
朝賢素望悉為佐吏名將勁卒咸入其府於
是宮省無復守衛荒饑日甚盜賊公行府事
營署並掘塹自守越東屯項自領豫州牧

集覽

項注見漢後
主延熙四年

質實

張九韶曰晉置豫州
治陳縣領潁州汝南

沛郡梁國
魯國五郡

書法

討未有書率兵者書率兵何罪空國
也空國討賊而久次于外越之無討
志甚矣於是徵兵入援未有至者越乃悉
率見兵空國而行各為討勒實以自衛卒

之倉猝寇至輿衛缺人至於步行不前城
陷被執越之誤國可勝誅哉綱目書率兵
書次于項所以重罪越也凡討伐書
次皆譏也逗留五月未有如越者焉

寧州刺史王遜滅五苓夷

初李毅死其子釗自洛往州人奉之以主州
事遣使詣京師求刺史朝廷乃以遜為刺史
既至表釗為朱提太守時寧州外逼於成內
有夷寇城邑丘墟遜惡衣菜食招集離散勞
徠不倦數年之間州境復安誅豪右不
奉法者十餘家擊滅五苓夷內外震服

集覽

釗之姚反朱提郡名屬益州正義曰音殊匙
即漢捷為郡朱提縣也今叙州有朱提山地

安民

產銀韓退之贈崔立之詩我有雙飲醖其銀得朱提於成成謂李雄僭即帝位國號大成

質實 一統志云王遜魏興人季釗鄴人朱提郡名未詳處所唯叙州府城西五十二里有朱提山未審是其故址否知者察之其山出銀漢諸葛亮書漢嘉金朱提銀採之不足自食唐韓愈贈崔立之詩我有雙飲醖其銀得朱提

漢主聰殺其兄恭

漢主聰自以越次而立忌其兄恭殺之

漢太后單氏卒

單氏年少美色漢主聰烝焉太弟又屢以為言單氏慚恚而死又寵由是漸衰呼延后言於聰曰父死于繼古今常道太弟何為者哉陛下百年後祭兄弟必無種矣聰心然之又舅冲謂又曰疎不間親主上有意於河内王矣殿下何不避之又曰天下者高祖之天下兄弟終弟及何為不可祭等既壯猶今日也且子弟之間親疎距幾主上寧可有此意乎

集覽

烝焉春秋釋例下淫上曰烝

質實

河内王謂劉粲也

辛未五年

漢嘉平元年成王衡元年

春正月漢曹窳寇青州苟

晞敗走

集覽

焜魚力反

質實

青州注見漢桓帝永康四年

○石勒

寇江夏陷之

考異

石勒上漏漢字

質實

江夏郡名注見漢後主建興七

年武昌

勒謀保據江漢張賓以為不可會軍中饑疫死者太半乃渡沔寇江夏

成寇陷涪梓潼内史譙登死之

譙登能復
能得衆心
賢哉

初譙周之子居巴西為成太守馬脫所殺其子登詣劉弘請兵復讐弘表登為梓潼内史使自募巴蜀流民得二千人西上攻宕渠斬脫食其肝遂據涪城成人攻之屢為所敗至是三年食盡援絕士民熏鼠食之餓死甚衆無一人離叛者城陷見獲成主雄欲宥之登

士氣

詞氣不屈

集覽

宕渠今渠州是即秦漢巴郡

注水經云宕渠水一名潛水一名渝水俗謂渠江在石照縣北十里涪城注見漢獻帝

建安十六年

質實

譙登巴西安漢人梓潼郡名注見漢獻帝建安十八年一統志

云宕渠漢之縣名屬巴西郡晉宋俱因之後魏改置為流江縣及流江郡梁改置渠州隋初郡廢州存大業初改宕渠郡唐初復為渠州天寶初又改為隣山郡乾元初復為渠州宋元皆仍舊本朝初改州為縣以流江縣省入仍屬順慶府

書法

死讐也書死之何子義也初登父為成太守所害登遂請兵於晉殺守據

涪及是城陷不屈見殺
綱目予義故特書死之

湘州流民作亂推杜弢為刺史

巴蜀流民布在荆湘間為士民所困苦湘州
參軍馮素與蜀人汝班有隙言於刺史苟眺
欲盡誅流民流民大懼四五萬家一時俱反以醴陵令杜弢為湘州刺史

集覽 醴陵

縣屬臨湘縣潭州路醴陵

質實 一統志云醴陵古之地名

漢屬臨湘縣東漢析置醴陵縣屬長沙郡至
宋因之隋省入長沙縣唐復隸潭州宋仍舊
元陞為州 本朝復為縣改屬長
沙府湘州注見漢獻帝興平元年

以報私怨
連流民使
反

瑯琊王睿逐揚州都督周馥以王敦為刺史都

督征討諸軍事

馥以洛陽孤危表請遷都壽春太傅越以馥
不先白已大怒召之馥不行睿遂攻之馥敗
走死睿以敦為揚州
刺史督征討諸軍

質實 揚州注見齊主寶
卷永元二年壽陽

壽春縣名注見
秦王政六年

書法

馥帝命也故雖睿書逐綱
目之修君臣之分而已矣

三月太傅越卒于項以苟晞為大將軍督六州

越雖逃顯
戮終不免
于剖棺焚
尸自取之
也

苟晞移檄諸州陳越罪狀帝亦惡越專權違命所畱何倫等抄掠公卿逼辱公主密賜晞詔使討之越亦下檄罪狀晞遣兵攻之晞遣騎收越黨尚書劉曾侍中程延斬之越憂憤成疾以後事付王衍而卒眾共推衍為元帥衍不敢當奉越喪還葬東海倫等以裴妃及世子毗自洛陽東走城中士民爭隨之帝追貶越為縣王以晞為大將軍都督青徐兗豫荆揚諸

質實

項縣名注見漢後主延熙四年

書法

於是越討石勒而卒不書卒于師何罪越也自往歲率兵討勒書次于項

於是五閱月矣未嘗進兵綱目復書卒于項見越之畏敵至死而不敢前也

發明

晉室之亂原於惠帝之庸愚肇於孽后之唱禍成於諸王之交攻蓋至於

太傅越之時亦已極矣前書漢寇洛陽則是賊虜已逼京師繼書召天下兵入援則是國勢已甚危急又况竟無一人至者越於是時曾無守衛根本之心乃率兵而出則是棄主與賊耳故書次于項則見其頓兵于外之意不書卒于軍而書卒于項則見其不沒於王事之意然則綱目之所以罪越者為如何哉社稷為墟中原塗炭是固生靈之不幸耳於越乎何誅

夏四月漢石勒追敗越軍於苦縣執王衍等殺

越所斂朝
望動卒一
且俱盡
清談熟套

士氣

魏也
其語自快

勒帥輕騎追太傅越之喪及於苦縣大敗晉兵縱騎圍而射之將士十餘萬人無一免者執太尉衍等問以晉故衍具陳禍敗之由云計不在已且自言少無宦情不豫世事因勸勒稱尊號冀以自免勒曰君少壯登朝名蓋四海身居重任何得言無宦情耶破壞天下非君而誰衆人畏死多自陳迷獨襄陽王範神色儼然顧呵之曰今日之事何復紛紜勒謂孔萇曰吾行天下多矣未嘗見此輩人當可存乎萇曰彼皆晉之王公終不為吾用勒曰雖然要不可加以鋒刃夜使人排牆殺之剖越柩焚其尸曰亂天下者此人也吾為天

八王相繼
屠戮四十
八王同時
截于排牆
皆所以報
其逼害曹

下報之世子毘及宗室四十八王皆沒於勒裴妃為人所掠賣久之渡江初瑯琊王睿之鎮建業裴妃意也故睿德之厚加存撫以其子冲繼越後

質實

襄陽郡名注見漢獻帝建安十二年

集覽

苦縣注見漢桓帝延

書法

討勒晉兵也書越軍何追罪越也越無討志是軍也自衛而已衍為大臣

黨越誤國及為勒所執勸稱尊號冀以苟免可賤甚矣不書太尉罪之也

發明

王衍風流相尚清名蓋世且首為三窟之計今乃為羯奴所殺如斃犬豕

方且俯首乞憐之不暇一代人物果安在哉然襄陽王範毅然正色何以不得書死

通鑑綱目卷之八十八
節司馬越敗亂天下，範等從而和之，斲喪帝室，委棄乘輿，大節若此，他何足數？按此行，自衍範而下，諸王及貴臣死者甚衆，綱目皆棄而不錄，僅書執衍等殺之，且削去其官，則其賤之之意爲可知矣。略而不書，初非過也。

五月杜弢陷長沙

弢自是南破零桂，東掠武昌，殺長吏甚衆。**質****質**長沙郡名，注見漢桂卽零陵，桂陽二郡。零陵注見武帝太康元年，桂陽注見漢武帝元鼎五年，武昌郡名，注見漢後主建興七年。

漢人入寇，六月陷洛陽，殺太子，詮遷帝于平陽。

封平阿公

考證

封當作廢爲

此時遷亦
亡然貪戀
更可恨
懷帝徒步

苟晞表請遷都倉垣，帝將從之，公卿猶豫，不果行。旣而洛陽飢困，人相食，百官流亡者什八九，帝將行而衛從不備，無車輿，乃步出西掖門，至銅駝街爲盜所掠，不得進。度支魏浚帥流民數百家保河陰之硤石，時掠得穀麥獻之。漢主聰使呼延晏將兵二萬七千寇洛陽，比及河南，晉兵前後十二敗，劉曜王彌石勒皆引兵會之，晏先至，攻平昌門，克之，遂焚府寺。六月，司空荀藩及弟光祿大夫組奔轅，轅彌晏克宣陽門，入宮大掠，帝欲奔長安，漢

兵追執之，曜自西明門入，殺太子詮等士民死者三萬餘人，遂發掘諸陵，焚宮廟，曜納羊后，遷帝及六璽於平陽，勒引兵出屯許昌。漢以帝為左光祿大夫，封平阿公，以侍中庾珉、王儁為光祿大夫。初，曜以彌不待已至，先入洛陽，怨之。彌說曜曰：「洛陽天下之中，山河四塞，城池宮室，不假修營，宜白主上自平陽徙都之，曜以天下未定，洛陽四面受敵，不可守，不用彌策而焚之。」彌罵曰：「屠各子豈有帝王之意邪？」遂與曜有隙，引兵東屯項關。劉暉說彌曰：「將軍建不世之功，又與始安王相失，將何以自容？不如東據本州，徐觀天下之勢，上可以混一四海，下不失鼎峙之業。」彌心然之。

集覽

屠各子注見漢桓帝延熹元年

質實

河陰縣名注見漢光武建武十五年平陰一統志云硤石關名在河南府陝州

城東舊硤石縣即古峻陵關路東通澠池西通函谷今建巡簡司於此六璽注見漢靈帝中平六年項關在關封府陳州城東南九十二里東漢所置劉宋省入項城縣魏浚東阿人始安王始安郡名注見成帝咸和六年按載記漢主淵封族子曜為始安王

司空苟晞奉豫章王端建行臺於蒙城荀藩奉

秦王業趣許昌

荀藩在陽城汝陰太守李矩輸給之藩建行臺於密傳檄四方推瑯琊王睿為盟主以矩

慈帝業晉
書作諱鄴
故改建鄴
為建康

為滎陽太守。豫章王端太子詮弟也。東奔倉垣。荀晞奉為皇太子。置行臺。徙屯蒙城。秦王業、吳孝王晏之子、藩甥也。年十二。南奔密。藩等奉之以趣許昌。天水閭鼎聚西州流民數千於密。欲還鄉里。藩以鼎有才而擁眾用為豫州刺史。以周顥等為參佐。**集覽**陽城縣屬汝陰。按汝陰今潁州是。**質實**注見秦二世元年。汝陰郡名。注見齊主寶卷。永元二年。一統志云。蒙城春秋古邑。名漢置。山桑縣屬沛郡。東漢屬汝南郡。三國魏屬譙郡。後魏置渦陽縣。隋改曰淝水縣。大業中復為山桑縣。唐改蒙城縣。五代宋因之。金屬壽州。元屬安豐路。本朝因之。改屬鳳陽府。天水郡名。注

見漢光武建武二年。周顥汝南安成人。浚之子。滎陽郡名。注見秦莊襄王元年。吳郡名。注見漢獻帝建興三年。

瑯琊王睿遣兵擊江州刺史華軼斬之

時海內大亂。獨江東差安。中國士民避亂者多南渡江。王導說睿收其賢俊。辟掾屬。刁協王承。卞壺。諸葛恢。陳頽。庾亮等百餘人。時人謂之百六掾。及承荀藩檄承制署置江州刺史華軼。及豫州刺史裴憲。皆不從。命睿遣王敦。甘卓。周訪。合兵擊軼。斬之。憲奔幽州。睿以卓為湘州刺史。訪為尋陽太守。陶侃為武昌太守。**集覽**頽俱倫反。百六掾。掾官屬。

不奉荀藩
檄士氣差
振

也言置掾屬質實王承晉陽人卞壺濟陰宛句人玄之子諸葛恢瑯琊

人陳頤陳國人庾亮鄆陵人明穆元皇后之兄王敦瑯琊臨沂人周訪汝南人

秋七月大司馬王浚自領尚書令

浚設壇告類立皇太子稱受中詔集覽告類承制封拜備置百官列置征鎮五帝

本紀舜類于上帝正義曰五經異義云非時祭天謂之類言以事類告也時舜告攝非常

祭也蔡氏書傳曰按周禮肆師類造于上帝注云郊祀者祭昊天非常祀而祭告

于天其禮依郊祀為之故曰類如秦誓武王伐商王紂言天子將出皆云類于上帝是也

漢劉曜寇長安南陽王模出降曜斬之遂據長

安模世子保保上邽

南陽王模使牙門趙染戍蒲阪染帥眾降漢漢遣染與將軍劉雅攻模于長安劉曜劉粲

繼之染敗模兵於潼關長驅至下邽涼州將北官純自長安帥眾降漢漢兵圍長安模倉

庫虛竭士卒離散遂降于漢粲殺之關西飢饉白骨蔽野士民存者百無一二漢主聰以

曜為雍州牧封中山王守長安模都尉陳安帥眾歸世子保于上邽保遂據有秦州尋稱

大司馬承制署隴集覽下邽縣名屬京兆秦右氏羌皆從之武公伐邽戎取其人

幸脫于排
墻者亦不
獲免

來此置縣有上邽故加下字

質實

蒲阪縣名注見周報

王十
二年

漢石勒陷蒙城執苟晞及豫章王端

苟晞晚節不終

晞驕奢苟暴前遼西太守閻亨數諫殺之從

專明預有疾自輦入諫晞怒曰我殺閻亨何

關人事而輦病罵我預曰明公以禮待預故

預以禮自盡今明公怒預其如遠近怒明公

何桀為天子猶以驕暴而亡况人臣乎願明

公且置是怒思預之言晞不從由是眾心離

怨加以疾疫飢饉勒襲蒙城執晞

及豫章王端頭晞頸以為左司馬

質實 遼西郡名

忠告委曲

晚節喪盡

注見漢獻帝
建安十年

冬十月漢石勒誘王彌殺之

漢大將軍王彌與勒外相親而內相忌會其

將徐邈叛去彌兵漸衰聞勒擒苟晞心惡之

以書賀勒曰公獲苟晞而用之何其神也使

晞為公左彌為公右天下不足定也勒謂張

賓曰王公位重而言卑其圖我必矣賓因勸

勒乘彌小衰誘而取之時彌與劉瑞相持甚

急請救於勒勒未之許賓曰公常恨不得王

勒智甚

何不死于鎖頸之時

以勒之智豈為現假托數語所動

磊落有英雄氣

始欲除之繼則寵任之諸子受誅自貽之感耳

勒專害公輔，有無君之心，然猶加勒鎮東大將軍，以慰其心。苟晞漸謀叛，勒殺之，引兵掠豫州諸郡，臨江而還，屯于葛陂。初，勒之為人所掠賣也，與其母王氏相失，劉琨得之，遣使并其從子虎送於勒。因遺書曰：將軍用兵如神，所以周流天下，而無容足之地者，蓋得主則為義兵，附逆則為賊眾。故也。成敗之數，有似呼吸，吹之則寒，噓之則溫。今相授侍中領護匈奴中郎將，將軍其受之。勒報書曰：事功殊途，非腐儒所知。君當逞節本朝，吾自夷難為効。遺琨名馬珍寶，厚禮其使，謝而絕之。時虎年十七，殘忍無度，勒白母除之。母曰：快牛為犢，多能破車。汝小忍之，及長，便弓馬，勇冠當時。每屠城邑，鮮有遺類。然御眾嚴而不

煩莫敢犯者，指授攻討。**集覽**葛陂在今蔡州，所向無前，勒遂寵任之。上蔡縣腐儒者，爛敗貌。言儒者但能守陳腐之見，不達時宜。夷難為効，夷平難患也。為効，展其勤效也。我當以平難之事自効。

質實

一統志云：徐邈，姑幕人。葛陂，在汝寧府城西南三十里。即費長房投杖處。東漢於此置葛陂縣，後廢。今有葛仙廟在焉。

馮翊太守索綝等擊敗漢兵於長安十二月迎

秦王業入雍城

初，索綝為馮翊太守，與安夷護軍麴允安定太守賈疋謀復晉室，帥眾五萬向長安。雍州

晉懷皇帝永嘉五年 正編

刺史麴特等帥眾十萬會之，大敗劉曜於黃丘。又破劉粲於新豐，兵勢大振。關西胡晉翕然響應，閩鼎欲奉秦王業入關，據長安，以號令四方。荀藩、周顛等皆山東人，不欲西行，中途逃散。顛奔江東，鼎與業至藍田，遣人告疋，疋遣兵迎之，入于雍城，使梁綜以兵衛之。

集覽

賈疋，古質。

索綝，燉煌人，靖之子。馮翊，郡名，注見唐玄宗開元十

一年，同州一統志云：安夷，漢之縣，名屬右扶風，後廢之，故址在鳳翔府隴州西北七十里。唐志：汧源縣西有安夷關，卽此。安定，郡名，注見漢光武建武元年。賈疋，武威人，詡之孫。黃丘，地名，未詳處所。新豐，縣名，注見漢成帝鴻嘉元年。藍田，縣名，注見周赧王三年。雍城，注

見唐玄宗開元十一年渭南郡

瑯琊王睿以周顛爲軍諮祭酒

前騎都尉桓彝避亂過江，見睿微弱，謂顛曰：「我以中州多故，來此求全，而單弱如此，將何以濟。」旣而見王導，共論世事，退謂顛曰：「向見管夷吾，無復憂矣。」諸名士遊宴新亭，顛中坐，歎曰：「風景不殊，舉目有山河之異，因相視流涕，導愀然變色，曰：『當共戮力王室，克復神州，何至作楚囚對泣邪？』眾皆收淚謝之。陳頹遺導書曰：「中華所以傾弊者，正以取才失所，先白望而後實事，浮競驅馳，互相貢薦，加有莊老之俗，傾惑朝廷，養望者爲弘雅，政事者爲務。」

使人精神
抖擻
晉室壞于
虛名清談
之士頹言
真救時急
務

俗人夫欲制遠先由近始。今宜改張明賞信。罰拔卓茂於密縣，顯朱邑於桐鄉，然後大業可舉。中興可冀。

集覽

管夷吾春秋齊管仲字夷吾，相桓公，霸諸侯。今

以王導比之，愀然愀七小反，色變也。神州，孟子傳曰：中國名曰赤縣神州。赤縣神州內自有九州，禹之序九州是也。杜佑通典曰：神州謂王者所居吉土，五千里內地名。注：崑崙東南南地方五千里，名曰神州。按地統書括地象著地中央曰崑崙，其東南方曰神州。賈氏禮疏曰：崑崙在西北，別統九州，其神州東南一州耳。禹分為九，又云神農上有大九州，曰柱州、迎州、神州之類。今惟有神州。分爲九，白望猶言虛名。

質實

桓彝，譙國人，新亭注。

見安帝元興元年，拔卓茂於密縣，事在漢光武建武元年。顯朱邑於桐鄉，事在漢宣帝地節四年。

劉琨遣劉希合衆於中山，王浚殺之。

不能撫御，豈能長于招徠，特其時流民無歸望，風依附耳。

劉琨長於招懷而短於撫御，一日之中，雖歸者數千，而去者亦相繼。琨遣劉希合衆於中山，幽州所統代郡、上谷、廣寧之民多歸之。衆至三萬，王浚怒，遣胡矩與段疾陸眷共攻希，殺之，驅掠三郡士女而去。

集覽

段疾陸眷，鮮卑人，姓段，名疾陸眷。

質實

中山

郡名，注見周威烈王二十三年。一統志云：廣寧、漢之縣名，屬上谷郡。晉陞爲郡，後魏郡廢。

北齊置北燕郡隋廢郡以其地屬涿郡唐武德中置北燕州貞觀中改為媯州唐末析置儒州遼為儒州緡陽軍治緡山縣金皇統初州廢以縣屬德興府元至元初省緡山入懷來縣尋復置屬奉聖州後以仁宗生于此陞為龍慶州 本朝初州縣俱廢永樂中詔復置州改曰隆慶直隸京師上 谷郡名注見秦王政三年

慕容廆擊破鮮卑素喜木九部

遼東附塞鮮卑素喜連木九津攻陷諸縣屢敗郡兵東夷較尉封釋不能討民失業歸慕容廆者甚眾廆少子翰言於廆曰自古有為之君莫不尊天子以從民望成大業今連津

慕容翰善手取勢

寇暴不已不若數其罪而討之上則興復遼東下則并吞二部忠義彰於本朝私利歸於我國此霸王之業也廆笑曰孺子乃能及此乎遂擊連津以翰為前鋒破斬之盡併二部之眾封釋疾病屬其孫奕於廆釋卒廆召奕與語說之曰奇士也補小都督釋子俊抽來奔喪廆見之曰此家扞扞千斤捷也以道不通皆留仕廆抽為長吏俊為參軍

集覽

此家扞扞千斤捷史炤通鑑釋文曰扞于粉反有所失也引左傳扞子辱矣捷居言反牯牛也捷字一本作手旁必刊誤也戰國策齊宣王曰寡人愚陋守齊國唯恐失扞之注扞失也亦引左傳扞子辱矣又引呂氏春秋扞與隕同史記不戰而扞注與損同說文隕從

高下也廣韻注墜也今言此家扞扞者意謂封釋二子如千斤犍之無能為必致扞墜其家也晉桓溫望中原歎曰神州陸沈王夷甫諸人不得不任其責袁宏曰運有興廢豈必諸人之過溫作色曰昔劉景升有千斤大牛噉芻豆十倍於常牛負重致遠曾不若一羸犗今言千斤犍疑卽此意

正誤 此家扞扞千斤犍今按封奔喪慕容廆見之曰此家扞扞千斤犍也以道不通皆留仕廆抽為長史俊為參軍抽與游遂等為股肱廆若以俊抽如千斤犍之無能為必致扞墜其家何故用之竊詳語勢扞扞者強犍有力之貌犍乃牯牛犍強而馴此但言其重大耳千斤牛未必皆不能負重劉

胡語當以意解胡說為快

懷雖失國猶存正統

景升事廆亦未必知之胡三省註又引說文云從高而下也言千斤之犍人間不可多得若從天而下也姑備一說

壬申六年

嘉平二年

書法

於是帝遷平陽踰年矣書六年何存正統也帝未遇害秦王在雍則正統

固在矣

春正月漢主聰納劉殷二女為貴嬪

漢主聰將納太保劉殷女太弟義固諫聰以問太宰延年太傅景皆曰太保自云劉康公

劉淵之業
衰矣

通鑑綱目

卷十八

五

之後與陛下殊源納之何害聰悅拜殷二女
英娥為左右貴嬪位在昭儀上又納殷女孫
四人皆為貴人位次貴妃於是六劉之寵
傾後宮聰希復出外事皆中黃門奏決

實劉殷新興人劉康公左傳注劉姬姓子爵
康公字季子周定王母弟食采劉邑謚康

公故曰
劉康公

書法妃妾不書此何以書譏同姓也譏同
姓則書以劉氏為貴嬪可矣曷為必

書劉殷殷亦與有責焉耳終綱曰書命納
妃妾十詳漢獻帝建安十八年其九譏也

惟聘鄭氏為
充華為美辭

發明娶妻不取同姓者為遠嫌也豈論同
源與否哉聰納殷女均之姓劉則幾

於吳孟子矣然彼本夷狄尚不難於妻羣
母又何有於同姓哉書之姑以著犬羊之

雜揉
耳

胡亢起兵竟陵

亢故新野王牙門將聚眾竟陵寇掠荆土以
杜曾為竟陵守曾勇冠三軍能被甲游於水
中
質實新野縣名注見漢平帝元始四年
竟陵郡名注見新莽地皇二年

二月朔日食○瑯琊王睿遣將軍紀瞻討石勒

通鑑綱目

卷十八

晉懷皇帝永嘉六年

五

正編

於葛陂勒引兵退

石勒築壘於葛陂，課農造舟，將攻建業。睿大集江南之眾於壽春，以紀瞻為揚威將軍討之。會大雨三月不止，勒軍中飢疫死者太半。集將佐議之，才膺請送款於睿，求掃平河朔。以自贖，俟其軍退，徐圖之。勒愀然長嘯，孔萇等請分道夜攻壽春，據城食粟，要以今年定。江南勒笑曰：是勇將之計也。顧謂張賓曰：於君意何如？賓曰：將軍攻陷京師，囚執天子，殺害王公，妻略妃主，擢將軍之髮，不足以數將軍之罪。奈何復相臣奉乎？今天降霖雨於數百里中，示將軍不應留此也。鄴有三臺之固，西接平陽，山河四塞，宜北據之以營河北。河

張賓既知勒負大罪而復為之謀，主是甘心党逆矣。

北既定，天下無處將軍之右者矣。宜使輜重從北道先發，將軍引大兵向壽春。輜重既遠，大兵徐還，何憂進退無地乎？勒攘袂鼓髯曰：張君計是也。於是黜膺，擢賓為右長史，號曰右侯。勒引兵發葛陂，遣石虎向壽春，遇晉運船，虎將士爭取之，為紀瞻所敗，追奔百里。前及勒軍，勒結陣待之，瞻不敢擊。

集覽 鄴有三臺，鄴城中三臺尺在今彰德城東北四十里，資暇集曰：鄴中三臺石崇遊宴之地。前臺名銅爵，中臺名冰井，後臺名金虎。後臺北濱漳水，今已崩頽，半入漳矣。銅爵臺又注見漢獻帝建安十五年。

質實 一統志云：銅爵臺在彰德府臨漳縣治西，魏曹操築，并金虎、冰井三臺，相去各

六十步其上復道樓閣相通中央懸絕鑄大銅雀高一丈五尺置之樓頂臨終遺令施總帳于上朝晡使宮人歌吹帳中望吾西陵西陵操葬處也後樓臺俱毀士人掘地得瓦色頗青內平瑩印工人姓名皆八分隸書硯譜云人得此瓦為硯貯水數日不滲金虎臺在彰德府臨漳縣治西南鄴鎮曹操於臺下鑿渠引漳水入白溝遺址尚存水井臺在彰德府臨漳縣治西南曹操建石虎於上藏冰三伏之月以賜大臣

漢封帝為會稽郡公

考異 封上漏降字

漢主聰謂帝曰卿昔為豫章王朕與王武子造卿卿贈朕拓弓銀研卿頗記否帝曰臣安

抑何慮

涼張軌不改初節

張軌遣兵詣長安

敢忘之但恨爾日不早識龍顏聰曰卿家骨肉何相殘如此帝曰大漢將應天受命故為陛下自相驅除此殆天意非人事也且臣家若能奉武皇帝之業九族敦睦陛下何由得之聰言以小劉貴人妻帝曰此名公之孫也卿善遇之

集覽

銀研研與硯同墨池

質實

武子

也釋名云硯研也研墨使和濡也自相驅除驅除注見漢玄帝更始元年王濟表字會稽郡注見漢和帝永元元年

涼州主簿馬魴說軌宜命將出師翼戴帝室軌從之馳檄關中其尊輔秦王且言今遣前

鋒宋配帥步騎二萬徑趨長安諸軍絡繹繼發涼州注見唐中宗景龍二年

書法 書遣兵何子義也懷帝之世書遣北宮純入衛矣於是復書遣兵詣長安

若軌者可謂知為人臣矣故書予之終綱目書遣兵詣其所者五張軌遣兵詣長安

是年殷孝祖帥兵赴建康宋丙午年魏趙剛以東荆兵赴長安梁甲寅年河西安西

皆遣兵詣行在唐玄宗天寶十五年李懷光帥眾赴長安唐德宗建中四年皆予之

也

夏漢封王彰為定襄郡公

漢主聰以魚蟹不供斬左都水使者作溫明徽光二殿未成斬將作大匠觀魚於汾水昏

夜不歸彰諫曰今愚民歸漢之志未專思晉之心猶盛劉琨咫尺刺客縱橫帝王輕出一

夫敵耳聰大怒命斬之彰女為夫人叩頭乞哀乃囚之太后張氏以聰刑罰過差三日不

食太弟義單于祭輿襯切諫聰怒曰吾豈桀紂而汝輩生來哭人太保殷等百餘人皆免

冠涕泣而諫聰慨然曰朕昨大醉非其本心微公等言之朕不聞過各賜帛百匹使侍中

持節赦彰進質實汾水注見周威烈王二十三年一統志云定襄郡漢

封定襄郡公初所置治定襄縣魏晉俱仍舊隋廢之故城在大同府城西北二十八里下有陰山青坡

彭之得免
女夫人及
太后力也
然外廷相
繼力諍亦
見聰能納
諫

晉懷皇帝永嘉六年 正編

二道皆出
兵之路

雍州刺史賈疋等進圍長安漢劉曜敗走秦王

業入長安○漢太保劉殷卒

殷不為犯顏忤旨然因事進規補益甚多漢主聰每與羣臣議政事殷無所是非羣臣出殷獨畱敷暢條理商確事宜聰未嘗不從之殷嘗戒子孫曰事君當務幾諫凡人尚不可面斥其過况萬乘乎夫幾諫之功無異犯顏但不彰君之過所以為優耳殷在公卿間常恂恂有卑讓之色故能處驕暴之國保其富貴不失令名以壽考終

賢

書法

卒僭國臣錄賢也

石勒引兵據襄國

考異

石上亦漏漢字

劉琨以兄子演鎮鄴石勒濟河演保三臺以自固勒諸將欲攻之張賓曰攻之未易猝拔捨之彼將自潰方今王彭祖劉越石公之大敵也宜先取之演不足顧也且天下飢亂明公擁兵羈旅人無定志非所以保萬全制四方也不若擇便地而據之廣聚糧儲西稟平陽以固幽并此霸王之業也勒遂進據襄國分命諸將攻冀州郡縣運穀以輸襄國漢以勒為冀州牧

集覽

彭祖王浚表字越石劉琨表字

質實

鄆縣名注見漢獻帝

根本之計

建安十五年襄國注見楚義帝元年冀州注見秦二世二年信都國幽并二州名幽注見唐高祖武德四年并注見愍帝建興四年

漢劉曜襲晉陽陷之劉琨奔常山

劉琨移檄州郡期十月會平陽擊漢琨素奢豪喜聲色徐潤以音律得幸驕恣干預政事護軍令狐盛數以為言琨收盛殺之琨母曰汝不能駕御豪傑以恢遠略而專除勝已禍必及我盛子泥奔漢具言虛實漢主聰大喜遣粲曜將軍寇并州以泥為鄉導琨聞之東出收兵於常山且遣使求救於代粲曜乘虛襲晉陽琨還救不及帥數十騎奔常山泥殺

琨有賢母

琨父質實常山郡名注見漢光武建武九年

秋九月賈疋等奉秦王業為皇太子建行臺

疋等奉業為皇太子建行臺登壇告類建宗廟社稷質實告類注見惠帝光熙元年

冬十月代公猗盧攻晉陽劉曜敗走猗盧追擊

大敗之

猗盧遣其子六脩帥眾數萬為前鋒自帥二十萬繼之劉琨收散卒為鄉導六脩與劉曜戰于汾東曜兵敗墜馬中七創夜踰蒙山而歸猗盧追之戰于藍谷漢兵大敗伏尸數百

里荷盧因大獵壽陽山陳閔皮肉山為之赤
琨自營門步入拜謝固請進軍荷盧曰吾遠
來士馬疲弊且待後舉劉聰未可滅也雷其
將箕澹等戍晉陽琨徙居陽曲招集亡散

質實

汾東汾水之東注見周威烈王二十三
年一統志云蒙山在太原府平定州東

北一十五里一峯孤秀高出眾山土人九日
登高于此上有晉山神祠壽陽古邑名春秋

晉為馬首邑漢為榆次縣之東境晉始置壽
陽縣屬樂平郡晉末省隋初復置屬并州唐

於此置受州貞觀中州廢縣仍屬并州金於
此置晉州尋移治清源縣元仍舊本朝因

之屬太原府晉陽郡名注見周威烈王二十
三年陽曲縣名注見秦王政十五年狼孟

十二月盜殺賈疋麴允領雍州刺史

初賈疋入關殺漢梁州刺史彭仲蕩至是其
子天護帥羣胡攻疋殺之眾推麴允領雍州

質實

梁州注見周赧王四年漢中雍州
注見唐玄宗開元十一年渭南郡

書法

盜者何彰天護也譙登復父讐綱目
書死之義之也此亦復父讐也其書

盜何天護臣漢者也逆順異矣是故郭循
魏臣也殺漢費禕則書盜天護漢臣也殺

晉賈疋則書盜綱目示人所從之意深切
矣賈疋不書官以上文見也終綱目書盜

殺十一詳周威烈王二十四年○不書以
何帝在平陽也然則曷為不書自領帝在

平陽也綱目一字
之筆削審矣哉

王浚攻石勒於襄國大敗而還

賓長可為
智將段強
于勒非賓
長不能取
勝

王浚遣督護王昌帥諸軍及段疾陸眷與弟
匹磾文鴛從弟末杯攻勒於襄國勒兵出戰
皆敗勒召將佐曰吾欲悉眾決戰何如諸將
皆曰不如堅守俟其退而擊之張賓孔萇曰
鮮卑段氏最為勇悍而末杯尤甚其銳卒皆
屬焉今刻日來攻北城必謂我孤弱不敢出
戰意必懈惰宜且勿出示之以怯鑿北城為
突門二十餘道俟其來至列守未定出其不
意直衝末杯帳彼必震駭不暇為計破之必
矣末杯敗則其餘不攻而潰矣勒從之密為

突門闢
也

勒智計過
人

突門既而疾陸眷攻北城勒登城望之見其
將士或釋仗而寢乃命孔萇督銳卒從突門
出擊之不克而退末杯逐之入其軍門為勒
眾所獲疾陸眷等軍皆退走萇乘勝追擊枕
尸三十餘里疾陸眷以鎧馬金銀賂勒且以
末杯三弟為質而請末杯諸將皆勸勒殺之
勒曰遼西鮮卑健國也與我素無仇讐為王
浚所使耳今殺一人而結一國之怨非計也
歸之必深德我不復為浚用矣乃遣石虎與
疾陸眷盟于清陽結為兄弟疾陸眷等引歸
王昌亦還薊勒召末杯與之燕飲誓為父
子遣還由是段氏專心附勒浚勢遂衰

實 渚陽地名未詳處所薊縣
名注見漢玄帝更始二年

書法

石勒嘗書寇矣曷為不書討據紀瞻書討浚非心晉者也故以自相攻擊

之書

大疫○王敦殺其兄荊州都督澄

敦之逆萌著矣

澄少與兄衍名冠海內劉琨謂澄曰卿形雖散朗而內實動俠以此處世難得其死及在荊州屢為杜弼所敗望實俱損猶傲然自得與內史王機日夜縱酒博奕上下離心故山簡參軍王冲擁眾自稱刺史澄懼徙治沓中瑯琊王闓之召為軍諮祭酒以周顛代之王敦方討杜弼進屯豫章澄過之自以名聲素出敦右猶以舊意侮敦敦怒誣其與杜弼通

信殺之機將奴客門生千餘人入廣州機父嘗刺廣州將士皆其部曲刺史郭訥遣拒機皆迎降訥乃避位以州授之

集覽

沓中本河關之西南羌地

質實

王機長沙人

書法

書兄書官敦不弟不臣之罪具矣

發明

人有常言皆曰父兄蓋嚴於事兄乃所以嚴於事父正所以謹其漸也王

處仲不難於殺其兄則亦不知有其父矣况澄身為方伯正使有罪合請于朝而處仲專輒行戮則其無君之心又已見於此時矣故澄既書其兄又特以荊州都督書

之。而處仲則去其官。

王如詣王敦降。○前太子洗馬衛玠卒。

中人強恕之法盡于四語

玠。瓘之孫也。美風神。善清談。常以為人。有不及。可以情恕。非意相干。可以理遣。故終身不見喜愠之色。

質實 衛玠安邑人。覲之孫。

書法 卒前官錄賢也。終綱目。卒前官者六而已。詳漢安帝元初二年。

西戎羌

羌酋姚弋仲自稱扶風公。

弋仲。南安赤亭羌也。東徙榆眉。戎夏襁負隨之者數萬。
質實 南安郡名。注見漢後

主建興六年。赤亭縣名。注見漢安帝元初四年。榆眉地名。未詳處所。扶風郡名。注見周顯

王八年。岐襁負。注見漢殤帝延平元年。

癸酉 **孝愍皇帝建興元年** 三年 **漢嘉平** **考異** 提要帝下注業字據

歲年例。正統卽位在今。年內者。當大書君名。春二月。漢主劉聰弑帝

於平陽。庾珉。王雋死之。

珉雋死節

正月朔。漢主聰宴羣臣於光極殿。使帝著青衣行酒。庾珉。王雋等不勝悲憤。因號哭。聰惡之。有告珉等謀以平陽應劉琨等。聰遂殺珉雋等。帝亦遇害。謚曰孝懷。

書法

戰國之篇魏人殺衛君書殺異國辭也。已酉年聰書漢主則其書弒何首足之分也是故帝書封會稽郡公矣。此復書帝而漢主斥書劉聰不以足加首也。珉雋始以悲憤見惡於聰，繼有告其應劉琨者，於是殺之而帝亦遇害，則二臣之死先於帝矣。綱目曷為先書弒先書弒所以著二帝之死為帝而死也。大書死之其為死節之勸深矣。

發明

劉淵舉兵自立，不書其反者，晉氏不謹，華戎之辨，且又骨肉相殘，有以致寇也。劉聰平陽之禍，則書弒者，聰固晉之臣子，且不使外夷得以加中國也。嗚呼夷狄之禍至此極矣，天地為之晦冥，日月為之薄蝕，斯固古今之大變，而非可以常事論者。庾珉王雋書其死節，正以嚴夷夏之分，存君臣之義，扶三綱立人極，為萬世之戒也。人臣觀此，其亦防微杜漸，不見是圖，謹於禮以處國，勤於政以御宇，務明其德而天下歸，無怠無荒而四夷王，必使大明既升而燭火自熄，中國既治而外患自弭，則亦庶乎其可也。有天下者尚監茲哉。

三月漢立其貴嬪劉娥為后

漢主聰為劉后起鷄儀殿，廷尉陳元達切諫以為天生民而樹之君，使司牧之，非以兆民

之命窮一人之欲也。是以先帝身衣大布，居無重茵，后妃不衣錦綺，乘輿馬不食粟。陛下踐祚以來，已作殿觀四十餘所，加之軍旅數興，餽運不息，飢饉疾疫，死亡相繼，而益思營繕，豈為民父母之意乎？聰大怒曰：朕為天子，營一殿，何問汝鼠子乎！命左右曳出斬之，并其妻子梟首東市。時聰在逍遙園李中堂，元達先鎖腰而入，即以鎖鎖堂下樹，呼曰：臣所言者，社稷之計，而陛下殺臣，朱雲有言，臣得與龍逢比干遊，足矣！左右曳之，不能動。大司徒任顛等叩頭出血，曰：元達為先帝所知，盡忠竭慮，知無不言，臣等每見之，未嘗不發愧。今言雖狂直，願陛下容之，聰默然。劉后聞之，密敕左右停刑，手疏上言：今宮室已備，無煩

元達有膽氣

劉武宣賢

句句為聰却句句從自身說起所以真切感動

更營四海未一，宜愛民力。廷尉之言，社稷之福也，宜加封賞，而更誅之。四海謂陛下何如哉！夫忠臣進諫者，固不顧其身也，而入主拒諫者，亦不顧其身也。陛下為妾營殿而殺諫臣，使忠良結舌者，由妾遠近怨怒者，由妾私困弊者，由妾社稷阽危者，由妾天下之罪皆萃於妾，妾何以當之？妾觀自古敗國喪家，未始不由婦人，心常疾之，不意今日身自為之。使後世視妾，由妾之視昔人也。妾誠無面目復奉巾櫛，願賜死此堂。聰覽之，變色，命顛等冠履就坐，引元達上，以表示之，曰：外輔如公，內輔如后，朕復何憂？更命園曰：納賢園。堂曰：愧賢堂。謂元達曰：卿當

集覽

鷦儀義取鳳皇來儀

書法 娥者何字也立后書氏未有書字者此則曷為書字譏也何譏英娥同位
譏屬少者也娥漢同姓妾同姓非矣况立為后乎

夏四月太子業即位於長安索綝領太尉

懷帝凶問至長安皇太子舉哀因加元服即帝位以梁芬為司徒麴允索綝為僕射是時長安城中戶不盈百蒿荆成林公私有車四乘百官無章服印綬唯桑版署號而已尋以綝為衛將軍領太尉
集覽 索綝姓名索昔軍國之事悉以委之
書法 太子即位矣綝不書以何太子尚幼冲非能以之也然與書自者有間矣

荒涼可憐

此綱目之變例也故皇太子未有書奉者業特書奉懷帝永嘉六年非上命未有不書自者允綝止書領綱目之權衡審矣

漢寇長安僕射麴允拒之

考異 提要拒下有却字 ○石

勒遣石虎攻陷鄴而據之

考異 石上漏漢字

兖州同時有三刺史

初劉琨用焦求為兖州刺史荀藩又用李述為之琨召求還及鄴城失守琨復以劉演為兖州鎮廩丘前中書侍郎郝鑒少以清節著名帥高平千餘家避亂保嶧山琅琊王就用為兖州鎮鄒山三人各屯一郡兖州吏民莫知所從

集覽 郝鑒姓名晉書注郝丑之

反質實廩丘縣名注見周顯王十六年高平縣名注見漢光武建武六年嶧山注

見秦始皇二十八年鄒山注同上年

瑯琊王睿以華譚為軍諮祭酒陳頽為譙郡太

守

譚嘗在壽春依周馥至是睿謂譚曰周祖宣何故反譚曰周馥雖死天下尚有直言之士馥見寇賊滋蔓欲移都以紓國難執政不悅興兵討馥死未踰時而洛都淪沒若謂之反不亦誣乎睿曰馥位為征鎮召之不入危而不持亦天下之罪人也譚曰然危而不持當

瑯琊英斷

頽不染清談之弊所以不合時宜

賢

與天下共受其責非但馥也睿參佐多避事自逸參軍陳頽言於睿曰洛中承平之時朝士以小心恭恪為凡俗偃蹇倨肆為優雅流風相染以至敗國今僚屬皆承西臺餘弊養望自高是前車已覆而後車又將隨之也請自今臨使稱疾者皆免官不從三王之誅趙王倫也制已亥格以賞功自是循而用之頽曰昔趙王篡逆惠皇失位三王討之故厚賞以懷嚮義之心今功無大小皆以格斷乃至金紫佩士卒之身符策委僕隸之門非所以重名器正紀綱也請一切停之頽出於寒微數為正論府中多惡之出為譙郡太守

覽以格斷皆以已質實祖宣周馥表字譙郡

晉惠皇帝建興元年

五年
譙

吳興太守周玘卒

周玘失計
不得其終

玘宗族強盛瑯琊王睿頗疑憚之睿左右用
 事者多中州亡官失守之士駕御吳人吳人
 頗怨玘自以失職又為才協所輕陰與其黨
 謀誅執政以南士代之事泄憂憤而卒將死
 謂其子勰曰殺我者諸儉儉子儉仕行
 子也能復之乃吾子也集覽
 反顏師古曰吳人謂楚人為儉晉陽秋云
 吳人謂中州人曰儉廣韻注儉楚人別種
 太守不卒卒玘何錄功也太守書卒
 始此終綱目太守書卒四周玘郝超

書法

謝瞻
馮寶

慕容廆攻段氏取徒河

初中國民避亂者多依王浚浚政法不立往
 往去之段氏兄弟專尚武勇不禮士大夫唯
 廆政事修明愛重人物故多歸之廆以裴嶷
 陽耽為謀主遊遂逢羨封抽裴開為股肱宋
 該皇甫岌岌弟真及封奕封裕典機要嶷清
 方有幹畧兄武為玄菟太守卒嶷與武子開
 以其喪歸過廆廆敬禮之行及遼西道不通
 嶷欲還開曰等為流寓段氏疆慕容氏弱何
 必去此而就彼也嶷曰欲求託足之地豈可
 不慎擇其人汝觀諸段豈有遠畧且能待國

裴嶷擇交

段強于慕
容而卒不
及慕容者
以此

通鑑綱目

卷十八

五

士乎。慕容公修仁行義，有霸王之志，加以國
豐民安，今往從之，高可以立功名，下可以庇
宗族，汝何疑焉？既至，龐大喜，遂嘗避地於蘇
後歸龐，王浚屢以手書招其兄暢，暢欲赴之。
邃曰：彭祖必不能久，宜且磐桓以俟之。暢曰：
彭祖忍而多疑，今手書殷勤而稽留不往，將
累及卿，且亂世宗族，宜分以
冀遺種，遂從之。卒與浚俱沒。
匹碑段文鸯 **質實** 徒河縣名，注見武帝太康
段末杯等 **書法** 諸段謂段
帝元封二年，彭祖王浚表字薊
縣名，注見漢玄帝更始二年

五月以瑯琊王睿為左丞相，南陽王保為右丞

相分督陝東西諸軍事

詔曰：今當掃除鯨鯢，奉迎梓宮，令幽并兩州
勒卒三十萬，直造平陽。右丞相宜帥秦涼梁
雍之師，徑詣長安。左丞相帥所領精兵，造洛
陽，同赴大期，克成元勳。又詔睿以時進軍，與
乘輿會，除中原。睿辭以方平定，江東未暇，北
伐以才協為丞相，左長史劉隗為司直，隗雅
習文史，善伺候睿意，故特親愛之。主簿熊遠
上書以為軍興以來，處事不用律令，主者不
敢任法，每輒關諮，非為政之體也。愚謂凡為
駁議者，皆當引律令經傳，不得直以情言，無
所依準，以虧舊典。若開塞隨宜，權道制物，此
人君之所得行，非臣子所宜用也。睿不能從。

瑯琊無意
中原故雖
有祖士雅
而迄無成
功

通鑑綱目

卷十八

五

正編

書法 掃除鯨鯢左傳宣十二年古者明王伐不敬取其鯨鯢而封之以為大戮注鯨

鯢大魚名吞食小魚以喻不敬之人吞併小國殺之而以土封其尸是之為京觀梓官顏

師古曰天子之喪以梓木為之親身之棺也風俗通曰宮者存時所居緣生事死因以為

名 **質實** 劉隗彭城人訥之姪熊遠豫章南昌人陝縣名注見周顯王四十五年

左丞相睿以祖逖為豫州刺史

夢寐不忘中原

逖范陽人少有壯志與劉琨俱為司州主簿同寢中夜聞雞鳴蹴琨覺曰此非惡聲也因起舞及渡江左丞相睿以為軍諮祭酒逖居京口糾合驍健言於睿曰晉室之亂非上無

英雄骨力忠義肝膽

道而下怨叛也由宗室爭權自相魚肉遂使戎狄乘隙毒流中土今遺民思奮大王誠能命將出師使如逖者統之以復中原郡國豪傑必有望風響應者矣睿素無北伐之志以逖為豫州刺史給千人廩布三千匹不給鎧仗使自召募逖將其部曲百餘家渡江中流擊楫而誓曰祖逖不能清中原而復濟者有知大江遂屯淮陰起冶鑄兵募得二千餘人而後 **質實** 范陽郡名注見漢帝玄更始二年涿郡司州注見秦莊襄王元年三川郡京口郡名注見成帝咸和三年豫州注見秦莊襄王元年三川郡淮陰縣名注見漢獻帝興平二年

陶侃破走杜弢王敦表侃為荊州刺史

周凱屯潯水城為杜弢所困陶侃使將軍朱伺救之弢退保泠口侃使伺逆擊大破之弢遁歸長沙敦乃表侃刺荊州屯沔江左丞相睿召顓復為軍諮祭酒

集覽

潯水城潯

質實

一統志云潯水城在九江府城西一十五里本漢尋陽縣

安陸人沔江注見漢獻帝建安十三年漢沔

發明

王處仲表陶侃刺荊州書之初無貶詞然亦足見其專輒之漸可為履霜

戒之

冬十月氏楊難敵寇陷梁州刺史張光卒

初氏王楊茂搜之子難敵遣養子販易於梁州刺史張光殺之及光與王如餘黨楊虎相攻求救於茂搜茂搜遣難敵救光虎厚賂難敵與夾擊光大破之光嬰城自守憤激成疾僚屬勸光退據魏興光按劔曰吾受國重任不能討賊今得死如登仙何謂退也聲絕而

張光氣烈可尚

卒難敵竟

質實

梁州注見周赧王四年漢中魏興郡名注見漢後主建興

年八

書法

於是光卒而後城陷先書寇陷何以失守之罪罪光也曷為罪之光殺難敵之子而求援於茂搜則難敵之來宜有以備之矣不備不虞不可以師城之陷光為之也不先書陷則光得以逃其責矣

陶侃復擊杜弢大破之○漢劉曜寇長安十一月

月麴允破走之

曜使趙染帥精騎襲長安夜入外城帝奔射鴈樓染焚龍尾及諸營退屯逍遙園將軍麴鑿帥眾救長安與曜遇於零武鑿兵大敗曜恃勝不設備麴允引兵襲之漢兵大敗殺其將軍喬智明
質實長安縣名注見漢惠帝五年一統志云龍尾坡名在鳳翔府岐山縣東二十里唐武德中移縣治於龍尾城鄭畋嘗破黃巢兵于此零武地名未詳處所

十二月石勒遣使奉表於王浚

考異

據建武元年書漢石

虎則此石勒上疑漏漢字

石勒雄資
張賓善謀
惜其未聞
大道也

浚謀稱尊號，劉亮高柔切諫，皆殺之。燕國霍原志節清高，屢辭徵辟，浚以尊號事問之，原不答。浚誣以罪，殺而梟其首。於是士民駭怨，而浚矜豪日甚，不親政事。所任皆苛刻小人，棗嵩、朱碩貪橫尤甚。北州謠曰：府中赫赫朱丘伯，十囊五囊入棗郎。石勒欲襲之，未知虛實。將遣使覘之，叅佐請用羊祜。陸抗故事，致書於浚，勒以問張賓。賓曰：浚名為晉臣，實欲廢晉自立。但患四海英雄莫之從耳。將軍威振天下，今折節事之，猶懼不信。況為羊陸之亢敵乎？夫謀人而使人覺其情，難以得志矣。勒曰：善。遣舍人王子春奉表於浚，曰：勒本小胡，遭世饑亂，流離屯厄，竄命冀州，竊相保聚，以救性命。今晉祚淪夷，中原無主，為帝王者，

石勒斬使
愚浚

非公復誰？願殿下應天順人，早登皇祚，勒奉戴殿下，如天地父母。殿下察勒微心，亦當親之如子也。浚甚喜，謂子春曰：石公可信乎？子春曰：殿下中州貴望，威行夷夏，自古胡人為輔佐名臣，則有矣，未有為帝王者也。石將軍非惡帝王不為，而讓於殿下，顧以帝王自有歷數，非智力之所取故也。又何怪乎？浚大悅，遣使報聘。游綸、兄統為浚鎮范陽，遣使私附於勒，勒斬其使以送浚。浚雖不罪統，益信勒為忠誠，無復疑矣。**集覽** 羊祜陸抗故事，不為掩襲之計，事在晉武帝泰始七年。**質實** 燕國注見唐高祖武德四年，幽州霍原、廣陽人。范陽郡名，注見漢帝玄更始二年，涿郡丘

伯謂朱碩棗
即謂棗嵩

晉明帝紹
左丞相睿遣世子紹鎮廣陵

以丞相掾蔡
謨為參軍
質實 蔡謨陳留人廣陵郡名
注見漢後主建興二年

代城盛樂及平城

代公猗盧城盛樂以為北都治故平城為南
都又作新平城於灑水之陽使右賢王六修
居之統
領南部
集覽 盛樂注見漢後主景耀四年灑
水灑音力軌反水出鴈門郡凌
靡 一統志云灑水源出大同府馬邑縣
質實 西北一十里洪濤山下即桑乾水之

源也漢書謂之治水
水經謂之潦涪水

天象

甲 二年 春正月有如日隕于地又有三
戊 四年 嘉平

日相承東行

書法 如日何非日也有三日何亦非日也
非日也故曰有有也者世所無有者

也漢成之篇書有兩月相承晨見東方建
始元年亦所無有之辭也愍帝之世變莫
大於此者至太興元年又書日夜出高三
丈晉之中葉何其多變哉終綱目千三百
六十二年三口相承夜
出三丈各一書而已矣

○有流星隕于平陽北化為肉

流星出牽牛、入紫微、光燭地、隕平陽北、化為肉、長三十步、廣二十七步、漢主聰惡之、以問公卿、陳元達以為女寵太盛、亡國之徵、聰曰、此陰陽之理、何關人事、

集覽

牽牛天官

書牽牛為犧、牲其北河鼓也、注正義曰、牽牛主關梁、爾雅河鼓謂之牽牛、郭璞注、今荆楚人呼牽牛為擔、鼓按擔荷也、

質實

平陽縣名、注見秦王政十四年

書法

書星隕多矣、未有書所化者、於是肉長三十步、廣二十七步、宇宙以來所未有之大異也、平陽漢地綱目不書、漢為天下異之也、

發明

是時劉聰竊據中土、淫虐不已、故星隕於其所都之地、以警之、然聰則不知戒也、書之於冊、亦姑以見上天示變之意云爾、

漢石勒復遣使奉表於王浚

浚使者至襄國、勒匿其勁卒精甲、羸師虛府、以示之、北面拜使者而受書、浚遣勒塵尾、勒陽不敢執、懸之於壁、朝夕拜之、曰、我不得見王公、見其所賜、如見公也、復遣董肇奉表于浚、

浚期以三月中旬、親詣幽州、奉上尊號、亦修牋于棗嵩、求并州牧、勒問浚於王子春、子春曰、幽州去歲大水、人不粒食、浚積粟百萬、不能賑贍、刑政苛酷、賦役殷煩、忠賢內離、夷離

臣卒詐拜書更詐胡見狡猾浚入其殼中矣

外叛人皆知其將亡而浚意氣自若曾無懼心方更置立臺閣布列百官自謂漢高魏武不足比也勒撫几笑曰玉彭祖真可擒也浚使者還薊具言石勒形勢寡弱款誠無二浚益驕怠不復設備

集覽

塵尾注見齊武帝永明十一年

質實

襄國注見楚義

帝元年幽州注見唐高祖武德四年薊縣名注見漢帝玄更始二年

發明

奉表乃人臣事上之禮也浚為臣子受之可乎綱目前已書勒奉表於浚

今又復書于此何哉一以見勒之詐一以見浚之愚也然勒羯賊耳詐乃其所素有浚身為晉臣乃坐視朝廷傾覆而不救方且甘受其詐僥倖非望其罪有加于勒多矣故他日見殺於勒盡削其官也

梁州人張咸逐楊難敵以州降成

矣故他日見殺於勒盡削其官也

於是漢嘉涪陵漢中之地皆為成有成主雄虛已好賢隨才授任命太傅驤養民於內李鳳等招懷於外刑政寬簡獄無滯囚興學校置史官其賦民男丁歲穀三斛女丁半之疾病又半之戶調絹不過數丈綿數兩事少役希民多富實新附者給復除是時天下大亂而蜀獨無事年穀屢熟乃至閭門不閉路不拾遺然朝無儀品爵位濫溢吏無祿秩取給於民軍無部伍號令

集覽

復除復芳目反亦除也除免其由賦

李成以寬治蜀

也。質實梁州注見周赧王四年漢中漢嘉縣名注見漢後主建興十三年涪陵縣

名注見惠帝太安二年漢中郡名注見周赧王四年

二月以張軌為太尉涼州牧劉琨為大將軍質

質涼州注見唐中宗景龍二年 ○三月漢石勒襲薊陷之殺

王浚師還薊降於段匹磾

實于三國可方周瑜

勒纂嚴將襲王浚而未發張賓曰豈非畏劉琨及鮮于烏桓為吾後患乎勒曰然賓曰彼三方智勇無及將軍者將軍雖遠出彼必不敢動且彼未謂將軍便能懸軍千里取幽州

勒以狡謀愚浚復愚現勒固奸猾浚理之淺昧亦見矣

愚甚

勒計甚幻

也。輕軍往返。不出二旬。藉使彼有心。比其謀議出師。吾已還矣。劉琨王浚。雖同名晉臣。實為仇敵。若修牋于琨。送質請和。琨必喜我之服。而快浚之亡。終不救浚而襲我也。用兵貴神速。勿後時也。勒曰。吾所未了。右侯已了之。遂以火宵行。遣使奉牋于琨。自陳罪惡。請討浚。自效。琨大喜。移檄州郡。言勒已降。當襲平陽。除僭逆。三日。勒軍達易水。浚督護孫緯馳遣白浚。將勒兵拒之。游統禁之。浚將佐皆曰。胡貪而無信。必有詭計。請擊之。浚怒曰。石公來正。欲奉戴我耳。敢言擊者。斬。設饗以待之。勒晨至。薊叱門者。開門。猶疑有伏兵。先驅牛羊數千頭。聲言上禮。實欲塞諸街巷。浚始懼。勒升其聽事。執浚于前。浚罵曰。胡奴調乃公

通鑑綱目

卷一百一十八

晉愍皇帝建興二年

三

正編

使浚無詞

士氣

憲綽忠清之士奈何復為勒所官

何凶逆如此。勒曰：公位冠元台，手握彊兵，坐觀本朝傾覆，曾不救援，乃欲自尊為天子，非凶逆乎？即送襄國，斬之。浚將佐等詣軍門謝罪，前尚書裴憲從事中郎荀綽獨不至。勒召而讓之，對曰：憲等世事晉朝，苟其榮祿，浚雖凶麤，猶是晉之藩臣，故從之，不敢有貳。明公苟不修德義，專事威刑，則憲等死自其分，請就死不拜而出。勒謝之，待以客禮。勒數朱碩棗、嵩等以納財亂政，責游統以不忠所事，皆斬之。籍浚將佐親戚家貲，皆巨萬。惟憲綽止有書百餘卷，鹽米各十餘斛而已。勒曰：吾不喜得幽州，喜得二子。以憲為從事中郎，綽為參軍，分遣流民，各還鄉里。勒停薊二日，焚浚宮殿，以故尚書劉翰行幽州刺史，戍薊，置守。

宰而還。孫緯遮擊之，勒僅而得免。勒遣使奉浚首獻捷于漢。漢以勒為東單于，劉琨請兵於拓跋猗盧，以擊漢。會猗盧所部雜胡謀應勒，猗盧悉誅之，不果赴約。琨知勒無降意，大懼。劉翰不欲從勒，乃歸。集纂嚴索隱曰：謂段匹磾、匹磾遂據薊城。纂集兵嚴也。未了了曉也。下同。易水注：見秦王政二十年。聽事顏師古曰：古者治官處謂之聽事。後語省直曰聽。故加广，禮記南面聽天下。注：聽體寧反。調乃公調去聲戲弄也。乃公猶言汝翁也。

正誤 了了今按了猶決也

左丞相睿以邵續為平原太守

通鑑綱目

卷八十八 晉愍皇帝建興二年

三

正編

劉胤一言所激

星隕則于平陽飢荒則于襄國

天之惡聽勤甚矣

涼張軌始終忠晉

王浚所署樂陵太守邵續附勒勒以其子又為督護渤海太守劉胤棄郡依續謂曰君晉之忠臣奈何從賊以自污乎會段匹磾以書邀續同歸江東續從之其人曰其如又何續泣曰我豈得顧子而為叛臣乎殺異議者數人勒聞之殺父續遣胤使江東睿以胤為參軍續為平原太守石勒質實樂陵郡名注見圍續匹磾救之勒引去質實宋明帝泰始三年渤海國名注見隋恭帝義寧二年景城郡劉胤掖縣人邵續安陽人平原郡名注見漢光武建武五年

襄國大饑

質實

襄國注見楚義帝元年

時穀二升值銀一斤

夏五月太尉涼州牧西平公張軌卒子寔嗣

軌寢疾遺令文武將佐務安百姓上思報國下以寧家軌卒長史張璽等表世子寔攝父位詔寔為都督刺史西平公諡軌曰武穆質實西平郡名注見書卒何子忠也軌自書為涼州刺史惠帝永嘉元年繼書遣北官純入衛懷帝永嘉二年又書遣兵詣長安懷帝永嘉六年又書以為太尉涼州牧至是具官爵姓書卒皆所以重予之也

書法

惠帝永嘉元年繼書遣北官純入衛

質實

西平郡名注見懷帝永嘉二年

發明 綱目於晉世割據諸人皆書死獨於西涼張氏及前燕慕容氏父子獨書

其爵及以卒書者何予其有匡輔晉室之功也夫晉之南渡猶周之東遷也東遷之後諸侯不復宗周獨齊桓晉文拳拳以尊王室為事故春秋予之當五胡亂華之時西干戈紛紛世不復知有晉矣而張氏掠涼慕容氏據燕獨能不忘本朝此其所以予之也

六月漢寇長安索綝大破之

漢大司馬中山王曜趙染寇長安索綝出拒之染有輕綝之色長史魯徽曰晉之君臣自

知強弱不敵將致死於我不可輕也染曰以司馬模之彊吾取之如拉朽索綝小豎豈能汗吾馬蹄刀刃耶晨帥輕騎數百逆之曰要當獲綝而後食綝與戰于城西染兵敗而歸悔曰吾不用徽言至此何面目見之先命斬徽徽曰將軍愚復以取敗乃復忌前害勝猶有天地其得死於枕席乎染攻北地中弩而死

質實

長安縣名注見漢惠帝五年北

地郡名注見秦王政三年

漢石勒命州郡閱實戶口

戶出帛二匹穀二斛

冬漢主聰以子粲為相國

考異

子上滌其字

漢晉王粲少有雋才自為相驕奢專恣遠賢親佞嚴刻復諫國人始惡之

乙亥三年

漢建元元年

春正月左丞相睿以周札為吳

興太守

周勰以其父遺言因吳人之怨謀作亂使吳興功曹徐馥矯稱叔父札之命收合徒眾以討王導才協豪傑翕然附之是月馥殺吳興太守袁瑋欲奉札為主札聞之大驚以告義興太守孔侃勰知札意不同不敢發馥黨懼攻馥殺之札子續亦聚眾應馥左丞相睿議

導此舉大有剛斷

傳教令之吏也

發兵討之王導曰今少發兵則不足以平寇多發兵則根本空虛續族弟黃門侍郎廷忠果有謀請獨使廷往足以誅續睿從之廷兼行至郡將入遇續於門逼與俱詣侃坐定廷謂侃曰府君何以置賊在坐續即出衣中刀逼廷廷叱郡傳教格殺之因欲誅勰札不聽委罪於從兄邵而誅之廷不歸家省母遂長驅而去睿以札為吳興太守廷為太子右衛率以周氏吳之豪望故不窮治撫勰如舊

集覽

其父遺言前年玘將死曰殺我者諸

儻子也能復之乃吾子也傳教格殺之郡

之傳教令者姓名吳名曾格者相抱而殺之

實

吳興郡名注見宋明帝泰始二年才協渤海饒安人義興郡名注見武帝太元十七

通鑑綱目

卷十一

晉愍皇帝建興三年

十一

正編

年

二月以左丞相睿為丞相都督中外諸軍事南

陽王保為相國劉琨為司空

質實

南陽郡名注見秦二世三

年 ○進代公猗盧爵為王

元魏之先田自鮮卑

詔進猗盧爵為代王置官屬食代常山二郡猗盧請并州從事莫舍於劉琨舍不欲行琨曰以并州單弱吾之不材而能自存於胡羯之間者代王之力也吾傾身竭貲以長子為質而奉之者庶幾為朝廷雪大恥也卿欲為忠臣奈何惜共事之小誠而亡徇國之大節

積威所劫至于不敢逃死噫酷矣

乎往事代王為之腹心乃一州之所賴也舍遂行猗盧甚重之常與參大計猗盧用法嚴國人犯法者或舉部就誅老幼相携而行人問何之曰往就死無一人敢逃匿者

覽 莫舍姓名舍與舍同

書法

書進其爵何命自上出也與書魏公操進爵為王異矣漢獻帝建安二十

一年終綱目書進其爵為王七猗盧朱全忠再書李克用錢鏐王建羅紹威詔其進

爵為王三周齊王憲李晟朱全忠

三月杜弼將張彥陷豫章尋陽太守周訪擊斬

之

不善撫御
致已降者
復反

王敦遣陶侃等討杜弼前後數十戰弼將士多死乃請降丞相睿以為巴東監軍弼既受命諸將猶攻之不已弼不勝憤怒復遣其將張彥陷豫章周訪擊斬之

質實 巴東

郡名注見漢獻帝建安十九年周訪汝南人尋陽郡名注見明帝太寧二年

漢太子太傅崔瑋少保許遐伏誅

天象

雨血於漢東宮延明殿太弟义惡之崔瑋許遐說义曰今相國威重踰於東宮殿下非徒不得立也朝夕且有不可測之危不如早為之計义弗從舍人告之漢主聰殺瑋遐使將軍

卜抽將兵監守東宮义上表乞為庶人且請以粲為嗣抽弗為通

集覽 相國劉聰

之子
名粲

漢曹嶷據臨淄

漢青州刺史曹嶷盡得齊魯間郡縣自鎮臨淄有衆十餘萬臨河置戍石勒表稱嶷有專據東方之志請討之漢主聰恐勒滅嶷不可復制弗許

集覽 曹嶷姓名嶷吾巴反

質實 青州注見漢桓帝永康元年臨淄縣名注見周赧王三十一年

漢立三后

特勒已不可復制雖釋曹嶷亦無濟也

漢主聰納中護軍靳準二女月光月華立月光為上皇后劉貴妃與月華為左右皇后陳元達極諫以為並立三后非禮也聰不悅元達又奏月光有穢行聰不得已廢之月光慚恚自殺聰以是恨元達

書法

書譏也自漢立三后其後也周立四后立五后益無謂矣

夏六月盜發漢霸杜二陵

盜發二陵及薄太后陵得金帛甚多朝廷以用度不足詔收其餘以實內府

質實

霸陵注見漢文帝二年杜陵注見漢元帝初元元年

發明

綱目書盜發二陵分注載得金帛甚多此亦可為厚葬者之戒

陶侃擊杜弢破之弢走死湘州平丞相睿加王

敦都督江揚等州軍事

陶侃與杜弢相攻弢使王貢出挑戰侃遙謂之曰弢為益州小吏盜用庫錢父死不奔喪卿本佳人何為隨之天下寧有白頭賊耶貢遂降弢眾潰遁走道死侃進克長沙湘州悉平丞相睿進王敦鎮東大將軍都督江揚荆湘交廣六州諸軍事江州刺史敦始自選置刺史以下寢益驕橫初王如之降也敦從弟稜愛如驍勇請敦配已麾下甚加寵遇如數

敦公然僭逆無復顧忌矣

與敦諸將角射爭鬪稜杖之如深以為恥及敦潛畜異志稜每諫之敦怒密使人激如殺稜敦聞之陽驚亦捕如誅之**集覽**配已麾下請以王質實

長沙郡名注見漢獻帝興平元年湘州注同上年

王敦徙陶侃為廣州刺史

考異

提要王字上有荆州吏杜曾舉

兵拒陶侃十字徙下無陶字

初朝廷以第五猗為荆州刺史杜曾迎猗於襄陽聚兵萬人與猗分據漢沔侃既破杜殺乘勝進擊曾有輕曾之志反為所敗死者數百人時荀崧都督荆州屯宛曾引兵圍之崧

以幼穉女于突圍救父非膽略也忠孝鼓之也

兵少食盡欲求援於故吏襄城太守石覽崧小女灌年十三帥勇士數十人踰城突圍夜出且戰且前遂達覽所又為崧書求救於周訪訪遣子撫帥兵與覽共救崧曾乃遁去曾復致牋於崧求自效崧許之侃遺崧書曰杜曾凶狡所謂鳴梟食母之物此人不死州土未寧足下當識吾言崧以兵少藉為外援不從曾復帥流亡二千餘人圍襄陽不克而還王敦嬖人錢鳳疾侃之功屢毀之侃詣敦自陳敦留不遣左轉廣州刺史以其從弟廙刺荆州將吏鄭攀等詣敦留侃不許衆情憤惋遂迎杜曾第五猗以拒廙敦意攀等承侃風旨被甲持矛將殺侃出而復還者數四侃正色曰使君雄斷當裁天下何此不決乎因起

晏安鳩毒
不可懷也
志士當以
侃為師

如廁參軍梅陶言於敦曰周訪與侃親姻如
左右手安有斷人左手而右手不應者乎敦
意解乃設盛饌以餞之侃便夜發時王機盜
據廣州侃至始興州人皆言宜觀察形勢侃
不聽直至廣州遣督護討機走之廣州遂平
侃在州無事輒朝運百甓於齋外暮運於齋
內人問其故答曰吾方致力中原
過爾優逸恐不堪事故習勞耳
集覽第五
五復姓猗其名也第五注見漢光武建武中
元元年左轉猶言左遷也庾羊吏反風旨風
讀曰諷微加曉告也始興漢武定南粵西曲
江縣隸桂陽郡後漢置始興都尉宋改廣興
齊復置始興隋改曰韶州百甓甓蒲歷反韻
會甄甃謂之甓詩中唐有甓注鄭玄曰甃甃

也

正誤

風旨今按
風如字

質實

襄陽郡名注見齊和
帝中興元年襄州漢

沔二水名注見漢獻帝建安十二年宛縣名
注見周赧王十七年襄城郡名注見周赧王
十五年廣州注見武帝太康元年交廣一統
志云始興三國吳之郡名治曲江縣劉宋改
為廣興郡齊復改為始興郡隋平陳郡廢以
其地屬廣州唐置番州治曲江縣尋改為東
衡州貞觀初改為韶州屬嶺南道天寶初復
改始興郡後又改為韶州五代時屬南漢宋
仍置韶州屬廣南東路元改置韶州
路本朝初改為韶州府隸廣東道

書法

直書敦徙惡專也據
前為荆州書敦表

冬十月漢寇馮翊陷之

劉曜寇北地進拔馮翊麴允軍于靈武以兵弱不敢進帝屢徵兵於相國保保左右皆曰蝮蛇螫手壯士斷腕今胡寇方盛且宜斷隴道以觀其變從事中郎裴詵曰今蛇已螫頭頭可斷乎保乃以胡崧行前鋒都督須諸軍集乃發允欲奉帝往就保索綝曰保得天子必逞其私志乃止於是自長安以西

集覽北地不復貢奉百官飢乏採稻以自存

注見漢哀帝建平元年靈武注見唐玄宗天寶十五載馮翊注見漢武帝太初元年蝮蛇螫手蝮音福毒蛇也螫音釋行毒也蝮螫手則手斷楚辭招魂曰蝮蛇秦秦注蝮大蛇也

山海經曰蝮蛇色如綬文大者百餘斤一名反鼻蛇採稻稻本作櫓通作旅漢光武本紀嘉穀旅生注旅寄也

張寔得璽獻之

考異獻之當作來獻

涼州軍士得璽文曰皇帝行璽獻於張寔僚屬皆賀寔曰是非人臣所得留歸之長安

質實

涼州注見唐中宗景龍二年

丙四年

麟嘉元年

春二月漢殺其少府陳休等七

人

張寔世篤忠貞

通鑑綱目

卷十八

晉愍皇帝建興四年

八

正編

閱宦煽惑
之禍千古
一轍何以
卒無覺悟

漢中常侍王沈郭猗等寵幸用事漢主聰遊
宴後官或百日不出政事一委相國粲惟殺
生除拜乃使沈等入白沈等多自以其私意
決之猗有怨於太弟義謂粲曰聞太弟與大
將軍謀因上巳大宴作亂今禍期甚迫宜早
圖之殿下儻不信臣言可召大將軍從事王
皮司馬劉惔許其歸首以問之必可知也粲
許之猗密謂皮惔曰三王逆狀主上及相國
具知之矣卿同之乎二人驚曰無之猗曰茲
事已決吾憐卿親舊并見族耳因歔歔流涕
二人大懼叩頭求哀猗曰相國問卿卿但云
有之皮惔許諾粲問之二人至不同時而其
辭若一粲以為信然斬復說粲曰人告太
弟為變主上必不信宜緩東宮之禁使賓客

甘心死于
忠義休崇
可敬

得往來太弟雅好待士必不以此為嫌輕薄
小人不能無迎合為之謀者然後下官為殿
下露表其罪收其賓客考問之獄辭既具則
主上無不信之理也粲乃命卜抽引兵去東
宮少府陳休將軍卜崇為人清直沈等深疾
之侍中卜幹謂休崇曰沈等勢力足以回天
地卿輩自料親賢孰與竇武陳蕃休崇曰吾
輩年踰五十職位已崇惟欠一死耳死于忠
義乃為得所安能俛首低眉以事閹豎乎至
是聰命收休崇及特進綦母達等七人誅之
皆宦官所惡也卜幹泣諫王沈叱之聰怒免
幹為庶人河間王易及陳元達等諫曰今遺
晉未殄巴蜀不賓石勒謀據趙魏曹嶷欲王
全齊陛下心腹四肢何處無患乃復以沈等

易及元達
皆死于諫
莫謂胡廷
無人

助亂誅巫咸戮扁鵲臣恐遂成膏肓之疾後
雖救之不可及已請免沈等官付有司治罪
聰以表示沈等笑曰羣兒爲元達所引遂成
癡也聰問沈等於粲粲盛稱其忠清聰悅封
沈等爲列侯易又上疏極諫聰大怒手壞其
疏易忿恚而卒易素忠直元達倚之爲援得
盡諫爭及卒元達哭之慟曰人之云亡邦國
殄悴吾旣不復能言安用默默苟生平歸而
自殺旣而聰宴羣臣引見太弟義見其
憔悴涕泣陳謝聰亦慟哭待之如初

集覽

歸首漢書晁錯入宮自歸正義曰自歸帝前
首露引兵去東宮去年使卜抽將兵監守東
宮今命其離去竇武陳蕃竇武漢桓帝后父
靈帝時與陳蕃謀誅宦官事泄被害特進蔡

母達特進注見漢成帝鴻嘉元年蔡母音其
無複姓也名達巫咸商書序注巫咸臣名馬
氏云殷之巫也名咸天官書太史公曰昔之
傳天數者殷商巫咸正義曰巫咸殷賢臣本
吳人冢在蘇州常熟西海隅山上子賢亦在
焉扁鵲春秋時人姓秦名越人渤海郡鄭縣
人爲醫或在齊或在趙在趙者名扁鵲正義
曰黃帝八十一難序云秦越人與軒轅時扁
鵲相類故仍號爲扁鵲又家於盧國因命曰
盧醫按盧國今濟州縣膏肓之疾左傳成十
年晉侯疾病求醫于秦秦伯使醫緩爲之緩
至曰疾在肓之上膏之下攻之不可達之不
及藥不至焉不可爲也注肓鬲
也心下爲膏說文心下鬲上也

質實

巴蜀二
郡名巴

注見周顯王五年蜀注見後漢主建興三年
[竇武陳蕃]事見漢靈帝建寧元年[河間國名]
注見漢帝玄
更始二年

發明

陳休等皆以忠直事人自以為盡節
而死然失身西虜則非其地矣故綱
目止書殺休等七人而不列叙其名者畧
之也畧之者賤之也是以君子謹于擇主

代六脩弑其君猗盧普根討之而立尋卒鬱律

立

初代王猗盧愛其少子比延欲以為嗣使長
子六脩出居新平城而黜其母六脩來朝猗

盧使拜比延六脩不從而去猗盧大怒帥眾
討之兵敗遂為所弑猗匱子普根攻六脩滅
之代立國中大亂將軍衛雄箕澹與劉琨質
子遵帥晉人及烏桓三萬家馬牛羊十萬頭
歸于琨琨兵由是復振
普根尋卒國人立鬱律
質實 烏桓東胡國名
注見漢宣帝本
始三年

張寔遣兵入援

張寔下令所部民吏有能舉其過者賞以布
帛羊米賊曹佐隗瑾曰明公為政事無巨細
皆自決之羣下畏威受成而已如此雖賞之
千金終不敢言也謂宜少損聰明延訪羣下

桑板署號
採和自存
晉室式微
至此而張
寔終不改
節忠而純
矣此納言之
法

計帳
貢獻計

使各盡所懷。然後采而行之。則嘉言自至。何必賞也。寔悅從之。增瑾位二等。寔遣將軍王該帥步騎五千入援長安。且送諸郡貢計。詔拜寔都督陝西諸軍事。
集覽 賊曹主盜賊事

書法 前書張軌遣都護入衛矣。又書張軌遣兵詣長安矣。於是復書張寔遣兵

入援張氏父子。可謂能事君矣。備書予之書入援。始此終綱目。書入援十有五。是年梁戊辰年。湘東王繹。邵陵王綸。鄱陽王範等。韋粲等。庚午年。武陵王紀。唐玄宗。天寶十五年。回紇。干真王。肅宗。寶應元年。回紇。德宗。建中四年。靈武。諸道。李晟。僖宗。廣明

元年王處存王重榮昭宗乾
寧二年王建三年李克用

發明 春秋之法。凡書救。未有不善者。然於救之中。又有不得而槩論焉。救在王

室則罪諸侯。子突救衛是也。救在遠國則罪四隣。晉陽處父救江是也。救在夷狄則罪中國。狄救齊。吳救陳是也。是時虜寇滔天。晉室危如累卵。四方征鎮。擁兵自固。未聞有勤王之舉。張寔遠在河西。乃能遣兵入援。綱目據事書之。近地諸鎮。得無愧乎。美在遠者。則責在近者。此固書法之深意也。吁。

石勒寇廩丘陷之

考異

石上漏
漢字

劉演奔

質實

廩丘縣名注見周顯王十六年

夏六月朔日食○秋七月漢劉曜陷北地進至

涇陽

曜圍北地、麴允救之、曜使反間給允曰、郡城已陷、往無及也、衆懼而潰、曜追敗允、遂取北地、允性仁厚、無威斷、喜以爵位悅人、諸郡太守皆領征鎮、材塢主帥、小者猶假銀青將軍之號、然恩不及下、故諸將軍驕恣、而士卒離怨、曜進至涇陽、渭北諸城悉潰、曜獲將軍魯充、梁緯、飲之酒、曰、吾得子、天下不足定也、充曰、身為晉將、國家喪敗、不敢求生、若蒙公恩

既知其為義士貞女復令自殺豈非夷虜然二人貞義賴曜而顯矣

速死為幸、曜曰、義士也、與之劍、令自殺、緯妻辛氏美色、曜將妻之、辛氏大哭曰、妾夫已死、義不獨生、且一婦人而事二夫、明公又安用之、曜曰、貞女也、亦聽自殺、皆以禮葬之、**質**

實北地郡名注見漢哀帝建平元年涇陽縣名注見周赧王四十九年

漢主聰立婢樊氏為后

樊氏故張后侍婢也、聰立為上皇后、三后之外、佩皇后璽綬者、復七人、嬖寵用事、刑賞紊亂、大將軍敷數涕泣切諫、聰怒曰、汝欲乃公速死耶、何以朝夕生來哭人、敷憂憤而卒、

書法

漢書立三后矣、於是又以婢為后、而位之上、是何以母儀一國乎、故綱目

直書立婢而斥名聰所以深惡之也立婢
耻矣立其父婢又甚哉終綱目書立婢為
后三漢主聰婢乙未年閻主璘丙申年
閻主昶並父婢未有不斥其名者也

發明 聰夷狄也本無足責然據有中土僭
號稱尊故其所為亦不容盡略是以

前書立三后此書立婢樊氏皆以著其雜
亂之醜也夫並后且為亂階况三后乎妾
媵且不可為主况賤婢
乎據事直書惡自見矣

漢大蝗

河東平陽大蝗民流殍者什五六石勒遣將
屯并州招納流民歸之者二十萬戶聰遣使

讓之勒 **質實** 河東郡名注見漢獻帝建安七
年平陽郡名注見周威烈王二

年十三

冬十一月漢劉曜陷長安帝出降御史中丞吉

朗死之漢封帝為懷安侯 **考證** 封當
作廢

不念君父
便畏漢兵
國破君亡
止計私怨
張軌父子
之忠能感

曜逼長安安定太守焦嵩新平太守竺恢引
兵來救皆畏漢兵彊不敢進相國保遣胡崧
入援擊曜於靈臺破之崧恐國威復振則麴
索勢盛乃還槐里曜攻陷長安外城麴允索
縑退守小城內外斷絕城中飢甚亡逃不可
制唯涼州義眾千人守死不移太倉有麴數

涼州士卒
千古奇忠
也

勒之殺後
曜之斬琳
俱大快事

晉再亡
晉朝惟吉
朗一人死
節

十。麤允屑之為粥以進。至是帝泣謂允曰。今窮厄如此。外無救援。當忍取出降。以活士民。因歎曰。誤我事者。麴索二公也。使侍中宗敞送降牋於曜。琳潛留敞。使其子說曜曰。若許。而送之。曰。帝王之師。以義行也。孤將兵十五年。未嘗以詭計敗人。必窮兵極勢。然後取之。今琳所言如此。天下之惡一也。輒相為戮之。帝乘羊車肉袒出降。羣臣號泣攀車。帝亦悲不自勝。御史中丞吉朗歎曰。吾智不能謀。勇不能死。何忍君臣相隨。北面事賊虜乎。乃自殺。曜送帝於平陽。漢主聰臨光極殿。帝稽首於前。允伏地慟哭。聰怒囚之。允自殺。聰以帝為光祿大夫。封懷安侯。以曜為太宰。假黃鉞。

督陝西。封秦王。贈允車騎將軍。謚節愍侯。斬。緜于市。于寶曰。晉之亡也。樹立失權。託付非。木四維不張。而苟且之政多也。夫基廣則難。傾根深則難拔。理節則不亂。膠結則不遷。昔。之有天下者。所以能長久。用此道也。今晉之。興也。其基本固。異於先代矣。加以朝寡純德。之人。鄉乏不貳之老。風俗淫僻。耻尚失所。學。者以莊老為宗。而黜六經。談者以虛蕩為辯。而賤名檢。行身者以放濁為道。而狹節信。進。仕者以苟得為貴。而鄙居正。當官者以望空。為高。而笑勤恪。是以劉頌屢言治道。傳咸每。糾邪正。皆謂之俗吏。而倚杖虛曠。依阿無耻。者。名重海內。由是毀譽亂於善惡之實。情隱。犇於貨欲之途。選者為人。擇官。官者為身。擇。

利其婦女不知女工。任情而動。逆舅姑。殺妾勝。父兄弗之罪也。天下莫之非也。禮法刑政於此大壞。國之將亡。本必先顛。其此之謂乎。故觀阮籍之行。而覺禮教崩弛之所由。察庾純賈充之爭。而見師尹之多僻。考平吳之功。而知將帥之不讓。思郭欽之謀。而寤戎狄之有釁。覽傅玄劉毅之言。而得百官之邪。核傳咸之奏。錢神之論。而覩寵賂之彰。民風國勢既已如此。雖以中庸之才。守文之主。治之猶懼致亂。況惠帝以放蕩之德。臨之哉。懷帝承亂得位。羈以強臣。愍帝犇播之後。徒守虛名。天下之勢。既去非命。世之雄木。不能復取之矣。

集覽

靈臺縣名屬安定。今涇州縣。莊老注。見成帝咸康三年老莊。望空望名也。

猶言**正誤**。望空。今按文選註引劉謙。晉紀元康以來。望白署空。顯以台衡之量。

蓋謂當官者不務實治事。省**質實**。安定郡名。注見漢光

武建武元年。新平郡名。注見漢桓帝延熹五年。邠州一統志云。靈臺古地名。即古之密須

國。漢為北地郡。鶡觚縣地。晉為鶡觚陰密二縣地。屬安定郡。隋析置靈臺縣。取文王伐密

作靈臺之義。後省入鶡觚。唐復置。宋金仍舊。元初省入涇州。後復置。以良原縣省入。本

朝因之。改屬平涼府。魏索謂翹允。索綝也。槐里縣名。注見漢元帝永光元年。懷安。三國吳

之縣名。分宛陵地置之。晉屬宣城郡。隋省之。故城在寧國府寧國縣西南四十二里。

書法

書帝出降與遷異矣。既至平陽，帝稽首，麴允慟哭，聰怒囚之。允自殺，其視也。囚而自殺，則安知其非有不得已者乎？固不可與朗之自殺同矣。琅雋不書官，朗何以書？朗稱不忍北面事賊，則固晉廷之臣也。故特書官書死之。

發明

懷帝書遷，愍帝書出降，各書其實也。春秋凡國滅君死，則止書滅，或執或遷，或殺，則皆滅國者之罪，或以歸，或出奔，或降于師，則皆不能死於其位者之罪。此固書法不同之意，而亦綱目之所本也。晉氏失馭，虜寇滔天，四方無勤王之衆，京邑

無守禦之資，愍帝勢窮力屈，身為降虜，雖有忍耻以活士民之語，然辱亦甚矣。綱目據事直書，雖欲曲為隱諱，不可得也。然則強暴橫逆者，獨無罪乎？夫滅人家國，奪人土地，毀人宗廟，其罪固無待於貶黜而後見。况夷狄亂華，又非其他滅國者之比。書之于冊，亦以著非常之變，哀中國之不幸而已。吉中丞自殺，則書死節，麴允亦自殺，何以不書？允任事大臣，危不能持，顛不能扶，死自其分，僅足以償誤朝之罪，故耳。劉曜直書陷長安，如入無人之境，又以見晉之虛弱如此，可勝歎哉！吁。

石勒寇樂平，劉琨救之，大敗樂平，遂陷。

考異

石

漏漢字

兵

石勒圍樂平太守韓據請救於劉琨琨新得
猗盧之衆欲因其銳氣以討勒箕澹諫曰此
雖晉民久淪異域未習明公恩信恐其難用
不若閉關守險務農息兵琨不從命澹帥騎
二萬為前驅琨屯廣牧為之聲援勒據險要
設疑兵於山上前設二伏出輕騎與澹戰陽
為不勝而走澹縱兵追之入伏中勒前後夾
擊大破之澹奔代郡據棄城走并土震駭

集覽

并土并州境土也按并州今太原府

質

實

一統志云樂平晉之郡名治樂平縣本漢
之沾縣地屬上黨郡隋初郡廢以縣屬遼

州大業初改屬太原郡唐初置遼州於樂平
後徙州治遼山宋陞為平晉軍尋廢復為樂
平縣屬平定軍金陞軍為臯州尋廢以縣屬
平定州元仍舊日本朝因之改屬太原府并
州注見齊明
帝建武三年

十二月朔日食○劉琨長史以并州叛降石勒

琨奔薊

司空長史李弘以并州降勒琨進退失據段
匹磾遣信邀之琨帥衆奔薊匹磾見琨甚相
親重與結婚
約為兄弟

質實

薊縣名注見漢
玄更始二年

劉琨失身
匹磾

通鑑綱目

卷十八

晉愍皇帝建興四年

正編

正編

安民

石勒以李回為高陽守

考異

石上漏漢字

勒遣孔萇攻賊帥馮賸久而不克流民數萬戶在遼西迭相招引民不安業勒問計於張賓賓曰馮賸本非公仇流民亦皆戀本今班師振旅選良牧守使招懷之則幽冀之寇可不日而清遼西流民將相帥而至矣勒乃召萇歸以李回為高陽太守賸帥其眾降流民歸者相繼於道

集覽

馮賸姓名也賸陟魚反振旅公羊傳莊八年甲午祠兵祠兵者

何出曰祠兵人曰振旅其禮一也皆習戰也注云禮兵不徒使故將出兵必祠於近郊陳兵習戰殺生饗士卒其禮一者言將出不嫌不習故以祠兵言之將人嫌於廢之故以振

訊士眾言之祠兵壯者在前難在前也振旅在後復長幼且衛後也又注見漢宣帝神爵

二年 **質實** 一統志云高陽古地名漢置高陽縣屬涿郡東漢屬河間國三國魏置高

陽郡隋罷郡以縣置蒲州尋罷唐初復置蒲州貞觀初州罷以縣屬瀛州宋熙寧中省為鎮尋復為縣金屬莫州後屬安州元仍舊本朝因之改屬保定府遼西郡名注見漢獻帝建安十年

丞相睿出師露次移檄北征

睿聞長安不守出師露次躬擐甲胄移檄四方刻日北征以漕運稽期斬督運令史淳于

入援後期又復緩師不前

通鑑綱目

卷十八

晉愍皇帝建興四年

七

正編

淳于伯血
逆流而上
異事

通鑑綱目 卷十八

伯刑者以刀拭柱，血流上至柱末二丈餘而下，觀者咸以為寃。直司劉隗上言：伯罪不至死，請免從事。中郎周筵等官於是王導等引咎請解職。睿曰：政刑失中，皆吾闇塞所致。一無所問，隗性剛訐，當時名士多被彈劾。睿率皆容貸，由是眾怨歸之。南中郎將王含敦之兄也，以族彊位顯，驕傲自恣，隗奏含文致甚苦，事雖被寢，而王氏深忌疾之。

集覽

露次注見漢獻帝興平二年，躬擐甲執兵，致持法深刻，謂之文貫也。左傳擐甲執兵，致持法深刻，謂之文以文法致人於罪，謂之文致。

書法

征伐不書出師，書出師何，遷延也。若曰：睿無北伐之志，徒見出師露次，移檄北征而已矣。是故睿無北伐之志，則書曰：出師露次，移檄北征。是年高駢無討賊之實，則書曰：移檄討賊。出屯東塘，唐僖宗中和元年，皆譏其非誠也。終綱目書移書。

一漢獻帝初平二年，移檄七詳。初平二年，唯睿及高駢書出次。

發明

當長安危感之際，瑯琊初無救援之征，大書于冊，若足示勤王之舉，然亦卒不聞有征討之實，是特張大虛聲而已。綱目於此雖曰：幸之蓋亦惜之也。比事觀之，其義自見。

丞相睿以邵續為冀州刺史，劉遐為平原內史。

通鑑綱目 卷十八 晉愍帝建興四年 正編

質實

冀州注見秦二世二年信都平原國名注見漢光武建武五年

遐續女壻也聚眾河濟之間

丁丑 **中宗元皇帝建武元年**

漢麟嘉二年○**源**元公張寔稱建興五年

○舊大國一併成小國

考異

提要帝下注睿字按歲年例曰凡正

統朱書國號謚號君各年號又君名下注曰即位在今年內者用之則此當依提要而大書睿字於帝字之下然中宗元皇帝睿建武八字皆當用白字 **春正月張寔遣司**

馬韓璞將兵伐漢

愍帝亦識張寔惜其後時耳

張寔一門更有叔父忠晉

張寔之功

黃門郎史淑自長安奔涼州稱愍帝出降前一日使淑齋詔賜張寔拜涼州牧承制行事且曰朕已詔瑯琊王時攝大位君其協贊共濟多難淑至姑臧寔大臨三日辭官不受初寔叔父肅為西海太守聞長安危逼請為先鋒入援寔以其老弗許及是肅悲憤而卒寔遣司馬韓璞等帥步騎一萬東擊漢遣相國保書曰王室有事不忘投軀前遣賈騰瞻公舉動中被符命敕騰還軍會聞朝廷傾覆為忠不遂憤痛之深死有餘責今遣璞等惟公命是從璞等卒不能進而還先是長安謠曰秦川中血沒腕唯有涼州倚柱觀及漢兵覆關中氏羌掠隴右雍秦之民死者什八九獨涼州安全

集覽

姑臧縣屬武威郡在

河西括地志云姑臧在羌胡中毘為富饒按
 武威今西涼州是也倚柱觀觀去聲諦視也
 倚柱而觀閑雅貌猶言袖手傍觀荀子
 性惡篇倚而觀天下注倚觀猶坐觀也
 一統志云姑臧漢之縣名為武威郡治所晉
 隋俱因之唐涼州治焉後廢之故址在陝西
 行都司涼州衛城東二里西海晉之郡名治
 居延縣隋唐以來或置或廢宋時夏立威福
 軍元立亦集乃路總管府領山丹西寧二州
 本朝初廢之故城在陝西肅州東北五百
 一十里涼州注見
 唐中宗景龍二年

書法

於是璞等竟不能進而還矣書伐漢
 何子義也張氏父子之事綱目悉書

之所以
 勸義也

發明

自胡羯交亂懷愍蒙塵未聞遠近有
 勤王之師獨張寔前曰遣兵入援至

於長安不守諸軍逃散惟涼州義眾守死
 不移今又遣將伐賊雖卒不能進然綱目
 書之若真能伐漢然者蓋予其忠義之節
 所以遂其本志云爾書法若此其為斯世
 勸也
 多矣

二月漢寇滎陽太守李矩擊敗之

漢劉暢帥兵三萬攻滎陽矩未及為備乃遣
 使詐降暢不復設備矩欲夜襲之士卒皆疑

假巫以鼓
動士卒

懼乃遣其將郭誦禱於子產祠使巫陽言曰
子產有教當遣神兵相助衆皆踴躍爭進掩
擊暢營暢質實榮陽郡名注見秦莊襄王元
僅以身免統志云子產祠在開封
府新鄭縣西通鑑云
子產鄭大夫國僑也

三月丞相睿即晉王位

考證

下當補書立宗廟
社稷○謹按凡例

曰凡宗廟之禮建置更革皆書東漢之興也建
武二年立宗廟郊社于洛陽昭帝即位立宗廟
祫祭高皇帝以下東晉開百年之基立宗廟社
稷但見于分註今故歷考事例當大書以備一
代之禮也

晉明帝紹

弘農太守宋哲為漢所攻葉郡奔建康稱受
愍帝詔令丞相睿統攝萬機睿素服出次舉
哀三日官屬上尊號不許固請不已睿慨然
流涕曰孤罪人也君見逼不已當歸瑯琊耳
命駕將歸國請依魏晉故事稱晉王乃許之
遂即位改元置百官立宗廟建社稷有可請
立太子王愛次子宣城公哀欲立之謂王導
曰立子當以德導曰世子宣城俱有朗僑之
美而世子年長王從之立世子紹為王太子
封哀為瑯琊王奉恭王後鎮廣陵以西陽王
羨為太保封譙王遜之子承為譙王王敦為
大將軍王導為揚州刺史領中書監錄尚書
事刁協為僕射周顛為吏部尚書賀循為太
常時承喪亂之後江東草創協久宦中朝諳

通鑑綱目

卷十八

晉元皇帝建武元年

七

正編

練舊事循為世儒宗明習禮樂凡有疑議皆取決焉

中門之外賈氏曰凡言次者倚廬聖室以下

總名孝子次於中門外者哀親之在郊也哀

蒲侯反義餘亮反質實弘農郡名注見周顯王四十

帝永平十三年丹陽西陽國名注見懷帝永嘉元年

譙國名注見漢獻帝建安十五年廣陵郡名注見漢武帝元朔五年

朗儁之美未詳其義按釋名云朗明也儁偉也

劉琨慕容廆皆遣使勸進

嶠少以孝友稱一旦

奉琨命于江左母崔止之至絕裾而行不過投富貴之機赴功名之會耳背親滅性皆所忍為甚哉

謂嶠曰晉祚雖衰天命未改吾當立功河朔使卿延譽江南行矣勉之嶠至建康王導周顛庾亮等皆愛其才爭與之交王以慕容廆為龍驤將軍大單于昌黎公廆不受處士高

詡曰霸王之資非義不濟今晉室雖微人心猶附之宜遣使江東示有所尊然後杖大義以征諸部不患無辭矣廆從之

遣長史王濟浮海詣建康勸進集覽勸進上尊號也延譽延引也譽去聲延譽猶言傳名也

行矣漢書注顏師古曰行矣猶言好去也

詡况羽反杖大義杖上聲持也漢書扶義而西注顏師古曰扶或作杖杖者倚任之意也

正誤勸進今按言勸之升即帝位也質實歃血注見周赧王五十七年昌黎縣

名注見武帝太康二年
溫嶠太原祁人愴之子

書法 書勸進何正統也故雖未即帝位特
書元年終綱目書勸進者惟晉元帝

漢主知
遠而已

發明 琨中國也虜夷狄也合而書之者嘉
虜能尊主知義所謂夷而進於中國

則中國
之也

夏四月漢主聰殺其太弟義

相國義使其黨謂義曰適奉中詔云京師將
有變宜衷甲以備義信之命宮臣皆衷甲粲

父死而悔
何不察之
于先

遣告靳準王沈準白漢主聰曰太弟將為亂
已衷甲矣聽於是誅東宮官屬阮士卒萬五
千餘人廢義為北部王粲尋使準殺之義形
神秀爽寬仁有器度故士心多附之聰聞其
死哭之慟曰吾兄弟止餘二人而
不相容安得使天下知吾心耶

沈音
審 **質實** 衷甲注見梁武
帝太清二帝

集覽 王沈
姓名

五月日食○六月豫冀青寧等州皆上表勸進

豫州牧荀組及冀州刺史邵續青州曹
疑寧州王遜等皆上表勸進王不許

張九韶曰晉時豫州治項城注見秦莊襄王
元年三川冀州治趙郡注見秦二世二年信

通鑑綱目 卷之八
都青州治臨淄注見漢桓帝永康元年寧
州治雲南注見漢武帝元狩元年滇國

祖逖取譙城漢石虎入寇逖擊走之

初流民張平樊雅各聚眾在譙為塢主王之
為丞相也遣行參軍桓宣說而下之及逖屯
蘆洲使參軍殷乂詣平雅乂意輕平視其屋
曰可作馬廐見大鑊曰可鑄鐵器平曰此乃
帝王鑊天下清平方用之又曰卿未能保其
頭而愛鑊耶平大怒於坐斬乂勒兵固守逖
攻之歲餘不下乃誘其部將使殺之雅猶據
譙城逖攻之不克南中郎將王含遣桓宣將
兵助逖逖謂宣曰卿信義已著於彼今復為
我說雅宣乃單馬從兩人詣雅曰祖豫州方

又語全無
文理空泛
死耳士雅
何故遣之

晉王任士
雅得入

欲平蕩劉石倚卿為援前殷乂輕薄非豫州
意也雅即詣降逖既入譙城石勒遣石虎圍
譙含復遣宣救之虎解去逖表宣為譙國內
史晉王傳檄天下稱石虎敢帥大羊渡河縱
毒今遣瑯琊王哀等水陸四道徑造賊塢
受逖節度尋復召哀還建康數月而卒
實一統志云譙城在開封府夏邑縣西北三
十一里晉祖逖屯淮陰進據大丘城遂克
譙城而居之謂此桓宣譙
國鉅人蘆洲未詳處所

秋七月大旱蝗河汾溢

質實

河汾二水名河注
見梁武帝天監十

五年汾注見漢
獻帝建安七年

漢立子粲為太子

通鑑綱目

卷之八

晉元皇帝建武元年

正編

正編

書法

晉世僭國立太子不悉書必有故而後書書立祭志準弒也

○劉琨段匹磾討石勒未行而罷

匹磾推琨為大都督檄其兄遼西公疾陸眷及叔父涉復辰弟末柸等共討石勒未柸說眷辰曰以父兄而從子弟恥也各引兵還琨匹磾不能獨留亦還薊

質實

薊縣名注

見漢帝玄更始二年

書法

未卒事不書此其書何子義也

杜曾攻陷楊口周訪討破之

鄭攀等相與拒王廙衆心不一攀懼請降杜曾亦請擊第五猗以自贖廙將赴荊州留長史鎮楊口壘竟陵內史朱伺謂廙曰曾猾賊也外示屈服宜大部分未可便西廙矜厲自用以伺為老怯遂行曾等果還攻楊口陷之乘勝徑造沔口廙使豫章太守周訪擊之訪有衆八千進至沔陽使將軍李桓督左甄許朝督右甄自領中軍曾先攻左右甄訪於陳後射雉以安衆心令其衆曰一甄敗鳴三鼓兩甄敗鳴六鼓自旦至申兩甄皆敗訪選精銳八百人自行酒飲之款不得妄動聞鼓音乃進曾兵未至三十步訪親鳴鼓將士皆騰躍奔赴曾遂大潰訪夜追之諸將請待明日訪曰曾驍勇能戰向者彼勞我逸故克之宜

兩甄不敗
八百精銳
未必致死

及其衰乘之可滅也乃鼓行而進遂定漢沔曾走保武當庾始得至荊州訪以功遷梁州刺史屯

襄陽

集覽

拒王廙事詳見前年竟陵內史竟陵郡名也內史官名沌陽江

夏郡安陸縣有沌水其地曰沌陽屬荊州沌柱交反左甄軍號也甄居延反武當均州縣

後魏改均州為武當郡荊州記云武當山在武當縣南二百里武當記云山周迴五百里

質實

竟陵郡名注見孝武太元六年揚口壘未詳處所沔旦注見漢獻帝建安十三

年一統志云沌陽晉之縣名為江夏郡治所唐廢之故縣址在漢陽府城西六十里臨嶂

山下武當漢之縣名屬南陽郡三國魏屬南鄉郡晉屬順陽郡後魏置武當郡尋廢南齊

置始平郡後改齊興郡梁兼置興州後周改曰豐州隋初廢郡改州曰均州大業初州廢以縣屬浙陽郡唐初復置均州天寶初改武當郡乾元初復為均州宋置武當軍元復為均州皆治武當縣本朝省縣入州改屬襄陽府

冬十一月朔日食○以劉琨為太尉○立太學

征南軍司戴邈上疏以為世道久喪禮俗日弊猶火消膏莫之覺也今王業肇建萬物權輿謂宜篤道崇儒以厲風化王從之

十二月漢主劉聰弒帝於平陽辛寅死之

教

痛殺

聰辱懷又辱愍罪惡滔天矣然二帝稍有骨性亦豈至是微辛賓則愍有不以奴虜終者哉

漢主聰出畋以愍帝行車騎將軍戎服執戟前導見者指之曰此故長安天子也故老有泣者太子粲言於聰曰昔周武王豈樂殺紂乎正恐同惡相求為患故也不如早除之聰曰前殺庾珉輩而民心猶如是吾未忍也且小觀之十二月聰饗羣臣使帝行酒洗爵已而又使執蓋晉臣涕泣有失聲者尚書郎辛賓起抱帝大哭聰斬之洛陽守將趙固河內太守郭默侵漢河東揚言曰要當生縛劉粲以贖天子帝遂遇害謚曰孝愍

集覽

質實

平陽郡名珉號泣被殺懷帝亦遇害注見秦王

政十四年洛陽縣名注見周顯王三年河內郡名注見楚義帝元年河東郡名注見漢獻

帝建安七年

書法

於是漢暴使帝賓起抱帝大慟聰殺之趙固揚言欲贖天子帝遂遇害是

先殺賓也先書弒帝何先書弒帝所以見賓之死為帝而死也大書死之其為死節

之勸深矣

發明

凡偽國書某王某今懷愍之禍劉聰兩書姓書名者聰裔夷之醜臣服於

晉乃乘時竊發躬行大惡故揭姓名以誅其弒逆之罪耳豈得以偽國之例而比之哉一字之間蓋有深意矣

餉

王命課督農功

王命課督農功二千石長吏以入穀多

質實

少為殿最諸軍各自佃作即以為稟

河南王吐谷渾卒

吐谷渾者慕容廆之庶兄也父涉歸分戶以隸之及廆嗣位二部馬鬪廆遣使讓之曰分建有別何不相遠異渾怒曰馬鬪乃其常何至怒人欲遠別甚易恐後會為難耳遂帥其眾西徙廆遣長史追謝之渾遂四傳陰山而居屬永樂之亂因度隴據洮水之西極于白

慕容吐蕃
谷渾之別

蘭地方數千里鮮卑謂兄為阿于廆追思之為之作阿于之歌渾有子六十人長子吐延

嗣吐延有勇力羌胡畏之

集覽

吐谷渾西域國其先本遼東鮮卑徒河涉歸之庶長

名吐谷渾即慕容廆庶兄也吐谷渾長子吐延吐延子葉延保于白蘭以為禮公孫之子

得以王父字為氏乃號其國曰吐谷渾姓慕容氏渾胡昆反四傳讀曰附白蘭羌種名吐

蕃謂之丁零左屬党項右接多彌或曰亦吐谷渾之別種也

正誤

吐谷渾今按吐

當作他骨切

質實

陰山注見秦王政三年洮水注見漢後主延熙十二年

戊寅

太興元年

注劉曜光初元年

春遼西公段疾陸眷卒

晉王坐視
禍變不急
君父所以
建國規模
亦復不競
使其鼓忠
義而北安
知中原無
響應者哉

高議甚正
乃以忤旨
出則屢請
不許皆非
本念見正
位以後首
賜爵勸進
者則其心
事畢露矣

疾陸眷子幼叔父涉復辰自立
未極乘虛襲殺之自稱單于

書法

卒疾陸眷何予義也綱目於
段氏每詳之義焉而已矣

三月王即皇帝位

愍帝凶問至建康王斬縗居廬百官請上尊
號不許紀瞻曰晉氏統絕於今二年兩都燔
蕩宗廟無主劉聰竊號於西北而陛下高讓
於東南此所謂揖讓而救火也王猶不許使
殿中將軍韓績撤去御座瞻叱績曰帝座上
應列星敢動者斬王為之改容奉朝請周嵩
上疏曰古之王者義全而後取讓成而後得
是以享世長久今梓宮未返舊京未清宜開

延嘉謀訓卒厲兵先雪大恥副四海之心則
神器將安適哉由是忤旨出為新安太守嵩
頤之弟也王遂即皇帝位百官皆陪列命王
導升御牀共坐導固辭曰若太陽下同萬物
蒼生何由仰照乃止大赦文武增位一等帝
欲賜諸吏投刺勸進者加位二等民投刺者
皆除吏凡二十餘萬人散騎常侍熊遠曰陛下
下應天繼統率土歸戴豈獨近者情重遠者
情輕不若依漢法徧賜天下爵於恩為普且
可以息檢覈之煩塞巧偽之端也帝不從

集覽

居廬喪大記曰父母之喪居倚廬不塗
寢苫枕塊賈氏曰古者父母之喪倚木
為廬在中門之外東方北戶東倚墻西至地
以為廬而居之無楣柱既虞之後楣柱剪屏

乃西向開之今所謂朴陋之室殺古倚廬之制也神盥注見漢光武建武六年陪列猶言陪位爾雅釋言曰陪朝也注陪位為朝投刺投上刺書也刺七賜反
質實 韓續吳郡嘉興人熊遠豫章南昌人新安郡名注見漢獻帝建安十三年新都

書法

元帝舍是無書即皇帝位者矣

書即皇帝位何正統也終綱目書即皇帝位四漢書高祖光武昭烈晉則

發明

繼統與創業不同臣前已論之矣今周嵩所言與費詩同旨固不為無見然特未知紹續之意耳五代劉崇僭立謂其臣曰朕以周祖之業一朝墜地今日位

號不得已而正之崇雖僭竊其言蓋亦有理此綱目於光武昭烈元帝未混一之時所以皆書即皇帝位而無嫌者正以幸其繫人心續正統副四海依歸之望慰祖宗在天之靈固不得與其他妄自尊大者比也

立王太子紹為皇太子

考證

立當作更○謹按凡例曰更曰更其為某註云漢更王太子為皇太子此當比漢例立當作更

紹仁孝喜文辭善武藝好賢禮士容受規諫與庾亮溫嶠等為布衣之交亮風格峻整善談老莊帝器重之聘其妹為紹妃使亮侍講東宮帝好刑名家以韓非書賜太子亮諫曰

交

申韓刻薄傷化不足

集覽

善談老莊注見成帝咸康三年習尚

老莊好刑名家注見漢景帝元年申韓刻薄楊子問道篇曰申韓之術不仁之至矣又注

見漢武帝建元元年

以慕容廆為龍驤將軍大單于

廆以遊邃為龍驤長史劉翔為主簿命邃創朝儀裴嶷曰晉室衰微介居江表中原之亂非明公不能拯也今諸部雖各擁兵然皆頑愚相聚宜以漸并取為西討之資廆以為長史委以軍國之謀諸部弱小者稍稍擊取之

集覽

裴嶷姓名疑牛已反

以李矩都督河南軍事

滎陽太守李矩使郭默郭誦救趙固誦潛遣其將耿稚等夜襲漢營漢軍驚潰死傷大半太子粲走保陽鄉稚等據其營獲器械軍資不可勝數漢主聰使太尉范隆帥騎助之稚等殺其所獲牛馬焚其軍資突圍奔虎牢詔以矩都督河南三郡諸軍事

質實

滎陽

郡名注見秦莊襄王元年虎牢關名注見帝奕太和四年河南郡名注見秦莊襄王元年

三川李矩平陽人

漢螽斯則百堂災

質實

螽斯詩螽斯篇螽斯羽詵詵兮宜爾子孫振振

天象

戾虐懷愍
大怒之矣

今注蝻蝗屬長而青長角長股能以股相切作聲一生九十九子

燒殺漢主聰子二十一人

書法

火災非宮闕宗廟不書堂也何以書著聰滅也於是聰子死者二十一人

張寔遣使上表

都尉陳安叛相國保舉兵逼上邽保遣使告急於張寔寔遣步騎二萬赴之軍至新陽聞愍帝崩保謀稱尊號破羌都尉張詵言於寔曰南陽失大體而亟欲自尊必不能成功晉王近親且有名德當帥天下以奉之寔從之遣牙門蔡忠奉表詣建康比至帝已即位然

至孝宗五年張天錫乃奉升平年號

寔竟不用江東年號猶稱建興

集覽

南陽謂南陽王保

質實

上邽縣名注見

漢光武建武八年一統志云新陽三國吳之縣名屬長沙郡晉末改為新康縣屬衡陽郡隋省之故城在長沙府城西南一百二十六里

書法

寔自嗣立一書得璽獻之愍帝建興三年一書遣兵入援愍帝建興四年

一書遣韓璞將兵伐漢建武元年於是書遣使上表皆予其忠也寔可謂世篤忠貞矣

進

夏四月朔日食○加王導驃騎大將軍開府儀

通鑑綱目

卷十八

晉元皇帝太興元年

正編

正編

同三司

長吏得失
宰輔所宜
知和言亦
偏

導遣從事行揚州郡國還見各言二千石官
長得失獨顧和無言導問之和曰明公作輔
寧使網漏吞舟何緣採聽風聞

集覽

從事行揚州郡

以察察為政邪導咨嗟稱善
國從事將軍之屬官也行音下孟反循行也
謂至揚州所隸郡國有所按察也察察為政
謂用明太過也老子曰俗人察察我獨悶悶
其政悶悶其民醇醇其政察察其民缺缺林
希逸口義云悶悶者不作
聰明也察察者煩碎也

質實

顧和吳郡人
眾之族子揚

州注見漢獻帝
興平二年金陵

賢

成丞相范長生卒

長生博學多藝能年近百歲蜀人奉之如神

書法

成自立國以來至是十有五年綱目
書成政事不一二而卒其臣者再錄

賢也終綱目卒僭國臣二十有二晉
世居九成有一焉何地不生才信哉

漢殺其尚書令王鑒中書監令崔懿之曹恂

中常侍王沈養女有美色漢主聰立以為左
皇后鑒及中書監崔懿之中書令曹恂諫曰
借使沈之弟女刑餘小醜猶不可以塵汗椒
房况其家婢邪聰大怒收斬之鑒等臨刑沈

以杖叩之曰庸奴復能為惡乎鑿瞋目叱之
 曰豎子滅大漢者正坐汝鼠輩與斬準耳懿
 之謂準曰汝心如梟鏡必為集覽刑餘小人
 國患汝既食人人亦當食汝王沈乃宦
 官刑餘之人也說文曰醜可惡也此云小醜
 憎惡之稱也記曲禮曰刑人不在君側註為
 怨恨為害也公羊傳曰君子不近刑人近刑
 人則輕死之道椒房注見漢昭帝始元四年
 汝心如梟鏡前漢郊祀志古者天子常以春
 解祠祠黃帝用一梟破鏡注孟康曰梟鳥名
 食母破鏡獸名食父黃帝欲絕其種類故使
 百吏祠皆用之成云直用破鏡也破鏡如龜
 而虎眼如淳曰漢使東郡送梟五月五日為
 梟羹以賜百官以其惡鳥故食之梟堅堯反

鏡本作
 鏡音敬

五月段匹磾殺太尉廣武侯劉琨

劉琨以失
 所依致害

初琨世子羣為段末柸所得末柸厚禮之許
 以琨為幽州刺史欲與之襲匹磾密遣使齎
 羣書請琨為內應為匹磾邏騎所得時琨別
 屯征北小城不知也來見匹磾匹磾以書示
 琨曰意亦不疑公是以白公耳琨曰與公同
 盟庶雪國家之耻若見書密達亦終不以一
 子之故負公而忘義也匹磾雅重琨初無害
 琨意將聽還屯其弟叔軍諫之遂畱琨會代
 郡太守辟閭嵩潛謀襲匹磾事泄匹磾收琨
 縊殺之琨從事盧諶等帥琨餘眾依末柸朝

嶠之誤在
絕裾既拜
朝命亦無
可奈何矣

廷以匹磾尚彊冀其能平河朔乃不為琨舉
哀溫嶠表現盡忠帝室家破身亡宜在褒恤
後數歲乃加贈太尉謚曰愍於是夷晉皆不
附匹磾嶠之詣建康也其母崔氏固止之嶠
絕裾而去既至屢求返命朝廷不許會琨死
除散騎侍郎嶠聞母亡阻亂不得奔喪固讓
不拜苦請北歸詔曰今桀逆未梟諸軍奉迎
梓宮猶未得進嶠可以私難而不從王命邪
嶠不得〔集覽〕辟閭豈元和姓纂云衛文公支
已受拜〔質實〕孫以居楚丘辟閭里後因氏焉
嵩其〔質實〕廣武縣名注見
名也漢高帝七年

書法

具官何子義也琨自書并州刺史綱
目比十一書遣劉希合眾則書王浚

殺之劉曜襲晉陽則書奔常山石勒攻樂
平則書救之大敗樂平遂陷長史以并州
叛則書奔薊與匹磾討石勒則書未行而
罷殆亦無一大快人意其餘書為大將軍
書為司空書為太尉書上表勸進耳綱目
於其遇害具官書太尉廣武侯則亦唯其
乃心帝室而已矣書匹磾殺罪匹磾也
綱目於段氏有取焉功罪不相掩可也
發明匹磾鮮卑之種乃心帝室亦甚可嘉
然不思戮力共功之義遂至戕害督
將則其餘不足觀矣書殺太尉廣武侯
劉琨予琨所以誅匹磾也其旨明矣

青州刺史曹嶷叛降石勒

初崑既據青州乃叛漢來降又

質實

青州注見漢桓

帝永康元年建康郡名注見漢獻帝興平二年

六月以刁協為尚書令

協性剛悍與物多忤與侍中劉隗俱為帝所寵任欲矯時弊每崇上抑下排沮豪強故為王氏所疾諸刻碎之政皆云隗協所建協又使酒侵毀公卿見者側目

秋七月代王鬱律擊劉虎破之

劉虎侵拓跋西部鬱律擊之虎走出塞其部落降于鬱律於是鬱律西取烏孫故地東兼

元帝本無遠大之志故所任如此

勿吉以西士馬精強雄於北方

集覽

拓跋注見武帝咸寧元年烏孫注見漢武帝元

狩元年勿吉東胡種名

漢主聰卒太子粲立八月斬準弒而代之石勒

引兵討準冬十月劉曜自立於赤壁封勒為趙

公

漢主聰寢疾徵劉曜石勒受遺詔輔政皆固辭乃以曜為丞相領雍州牧勒為大將軍領幽冀牧上洛王景濟南王驥並錄尚書事斬準為大司空皆迭決奏事聰卒粲即位改元

漢昌聰后四人皆年未二十，粲多行無禮，斬準陰有異志，私謂粲曰：「如聞諸公欲行伊霍之事，宜早圖之。」粲乃收景驥等殺之。遊宴後宮，軍國之事一決於準。八月，準遂勒兵升殿，執粲殺之。劉氏男女無少長皆斬。東市發淵聰二陵，斬聰屍焚其廟，自號大將軍漢天王。謂胡嵩曰：「自古無胡人為天子者，今以傳國璽付汝，還如晉家，嵩不敢受。」準殺之。遣使告司州刺史李矩曰：「劉淵屠各小醜，矯稱天命，使二帝幽沒，輒率眾扶侍梓宮，請以上聞。矩馳表聞，詔遣太常韓胤等奉迎梓宮。準欲以王延為左光祿大夫，延罵曰：「屠各逆奴，何不速殺我，以吾左目置西陽門觀相國之入也。」右目置建春門觀大將軍之入也。準殺之。曜

聞亂自長安赴之，勒帥精騎五萬以討準。據襄陵北原，準數挑戰，勒堅壁以挫之。十一月，曜至赤壁，即皇帝位，以勒為大司馬，加九錫。進爵為趙公，勒進攻準於平陽，巴及羌羯降者十餘萬，落勒皆徙於所部。**集覽**行伊霍之事，伊尹、霍光既立，不明伊尹放之，桐宮三年後，太甲悔過，又從而立之。漢霍光立昌邑王賀，賀行淫亂，光遂廢賀而立病已，是為宣帝。東市，刑人之所也。劉淵屠各小醜，劉淵，劉聰之父也。匈奴人故曰屠各。小醜，屠各。注見漢桓帝延熹元年。小醜，注見前年。**質實**一統志漢之縣名，屬弘農郡。晉置上洛郡，後魏置洛州。後周改洛州為商州，取古商於地為名。隋

復爲上洛郡唐初復爲商州天寶初爲上洛郡乾元初復爲商州屬關內道宋屬永興軍路元屬安西路本朝改州爲縣仍屬西安府濟南國名注見漢景帝三年襄陵縣名注見周顯王十八年赤壁水名源發平陽府趙城縣霍山西南流至岳陽縣西漏崖入地過南三十里復出合澗水

發明 五胡之禍始於淵成於聰生民屠戮不可勝紀然身死子弑如出一轍國亦尋滅綱目據事直書雖不明言其應而應固已在中矣○嗚呼中華之主天所立也其休戚存亡與天地相爲流通而劉聰以匈奴之孽乃敢執而困辱之非但得罪

於中國得罪於世主而實得罪於天帝也天乃假手於靳準屠其族戮其屍禍及其父骨火延其宗廟嗚呼天所以報劉聰之辱二帝者亦畧相當矣天道之昭昭如此後之人可不畏哉

天象

十一月日夜出高三丈

書法

前書有三日相承東行矣於是又書日夜出高三丈日之異莫甚於此者

晉之中世何多變哉

○以王敦爲荊州刺史○詔州郡秀孝復試經

策

時詔羣公卿士各陳得失御史中丞熊遠上疏以為胡賊猾夏梓宮未返而不能遣軍進討一失也羣官不以讐賊未報為恥務在調戲酒色而已二失也選官用人不料實德惟在白衣選求才幹惟事請託當官者以治事為俗吏奉法為苛刻盡禮為諂諛從容為高妙放蕩為達士驕蹇為簡雅三失也世所惡者陸沈泥滓時所善者翱翔雲霄是以萬機未整風俗偽薄朝廷以從順為善相違見貶安得朝有辨爭之臣士無祿仕之志乎古之取士敷奏以言今光祿不試甚違古義又舉賢不出世族用法不及權貴是以才不濟務

俱清談之遺害

君父謂刺史太守俗語也

姦無所懲若此道不改求以救亂難矣先是帝欲慰悅人心州郡秀孝至者不試皆署吏尚書陳頽亦上言宜循舊制試以經策從之仍詔不中科者刺史太守免官於是秀孝皆不敢行其有到者亦託疾比三年無就試者帝欲特除孝廉已到者官尚書郎孔坦以為近郡懼累君父皆不敢行遠郡冀於不試冒昧來赴若加除署是為謹身者失分僥倖者得官頽風傷教恐從此始不若一切罷之而為之延期使得就學則法均而令信矣帝從之聽申至

集覽

聽申聽從也申與伸同展也展其試期

質實

梓宮

注見漢安帝延光四年

十二月漢將軍喬泰討斬準斬之

考異

按凡例治其臣

子之叛亂者討而殺之曰誅據下斬明書誅此斬字亦當作誅

斬準使侍中卜泰送乘輿服御請和於石勒勒囚泰送於漢主曜曜謂泰曰先帝末年實亂大倫司空行伊霍之權使朕及此其功大矣若早迎大駕者當悉以政事相委况免死乎泰還言之準未從將軍喬泰等相與殺準推斬明為主遣卜泰奉傳國六璽降漢石勒大怒進軍攻明

質實

六璽注見漢靈帝中平六年

瑯琊王煥卒

元帝絕意

煥鄭夫人之子時生二年矣帝愛之以其疾篤故王之及薨帝備吉凶儀服營起園陵功費甚廣右常侍孫霄諫曰古者凶荒殺禮况今喪亂憲章舊制猶宜節省而禮典所無顧崇飾如是乎竭已罷之民營無益之事殫已困之財修無用之費此臣之所不安也不從

質實

瑯琊國名注見宋文帝元嘉六年

書法

瑯琊王哀卒不書詳建武元年書煥卒何譏也二帝梓宮未返而越禮過

情於無服之殤是以譏之

發明

于時梓宮未返國步多艱乃以成禮葬襁褓之物何哉特書其卒蓋譏之

也

彭城內史周撫叛降石勒詔下邳內史劉遐秦

山太守徐龕討之

質實

彭城郡名注見秦始皇二十八年周撫潯陽人

訪之子下邳國名注見漢高帝六年秦山郡名注見秦始皇二十八年

○石勒攻

拔平陽斬明奔赤壁漢主曜族誅之

靳明屢敗遣使求救於漢漢主曜使人迎之明帥平陽士女萬五千人奔漢曜收靳氏男女皆斬之石勒焚平陽宮室修二陵收粲已下百餘口葬之置戍而歸

質實

平陽

郡名注見秦王政十四年

資治通鑑綱目卷之十八

